


INGANGABWĪTE YĪKUPA

AKŌGO AKASITA KUSISIMIKISĪGWA

 Ndaga fiyo ugwe, Nkundwe Demos. Ulwēne lo lusako ulukulumba ukuya apa mu lubūngānio lwa kiKristi ikilo iki, pāsi kuno nkīsu kya matalala iki. Kangi une nakōlīle ku kāya, pitāsipo, kangi ukwēne kulo amadigri malongo mabili ukupyapo, kubutali kumwanya kula nkati Kululu, ukūinda ukwēne kuyīlīle ukusuluka kuno. Une nābagile ukuti nākitwēle ikyo na une. Une nisakubopela mōsa kangi nukugomokela kāngi, nakalingo itolo. Ifibyālīgwa fyōsa fikūma ni mbepo. Ngimba ugwe kwīnogona fiki isya ikyo, Creechy? Ukwene ko. . . [U nkundwe ikuyoba, “Ukwēne kutalalifu.”—Nsimbi.] Ukwēne nalōlilōli kuli.

² Kangi tusangalwīke fiyo ukufikako kukwāgāna nu ntimi unnini uyu, ikilo iki, kangi ukukēta umwe bāndu. Une itolo njile nkati, utubalilo tunāndi. Une nīsīle kuno ukufuma ku Tucson, kūko une nāfīmbilisīgwe ukubūka umwīsyūgu. Nalyēndīsye iligali ikili kyammayolo, kangi mfikile muno kifuki isala ibili na yasinda ulubunju ulu, mula mu Tucson. Kangi polelo nāli mmwanya ilisiku lyosa ukusuluka kula. Kangi nāsōkiléko itolo utubalilo tunamdi. . . Mulimosa, une nāfikīle mula, itolo kyāli mu sala-na-sinda, une ngusakikisya, ikindikimo bo ikyo, pamwanya apa. Kangi popāpo une ngagona fiyo utulo mma. Lōli ngulega ukubūka kukugona utulo kuno. Lōli uswe tuli—uswe tuli basangalufu ukuya apa.

³ Undumiana unnini uyu, ikukina ukusyūngutīla na ifi fyakuyobelapo apa. Une nālitūgēsye kunyuma kula, pa. . . kimo mwa kikota kya bāna. Akalumiana akanini kakwīsa, kalinkungēta une nalōli nubuhēsya. Une ndinkuti, “Twesa na uswe bāna tubagile ukwitūgāsya palikimo, bule uswe?” Lilino, une nalōli mbaganīle abēne abānitu abanīni, lōli.

⁴ Kangi ikyēne kyo, o, ikyēne kyo nalōli kinunu ukuya apa ikilo iki, kangi ukuya na iki ikinunu ikilūndilo kya bāndu bīmīle ukusyūngutīla. Kangi une ngusūbīla lilino ukuti Nkundwe Williams ababūlīle umwe syōsa isyakufwāna, kangi Nkundwe Rose apa, isyakufwāna nu lukomano-ulukulumba ulu lukwīsa. Une ngusakisya umwe mumenye kanunu ni kyēne. Lukaya ku Ramada, nakalinga itolo, ku lukomano-ulukumba lwa Business Men. Kangi uswe tukugūlīla akabalilo akakulumba kula. Nkundwe Velmer Gardner, u nnūnu, u njobi ugwamaka; na babombeli abāngi, Oral Roberts na bīngi, bisakuyaga kula. Kangi uswe tukugūlīla akabalilo akakulumba mwa Ntwa.

⁵ Une ngusubila, utubalilo twingi, unko uswe tuyege nu bubōmbelo bwa bubūmbulúsyo mu buyo bula. A-ha. Une ngulōnda ukummwēga Nkundwe Oral, kangi uswe tukuyaga palikimo. Ena, nkulumba. Ngimba ikyo kitikuyaga itolo kinunu? Ikyo kibagile ukuya kya—kya nalōli kyakubongotolēla-nkati panongwa ya kyēne, bule icyēne? Ububōmbelo bwa bubūmbulúsyo, ukusulukila ku Ramada, kila kisakuyaga kinunu. Uswe. . . Popāpo uswe tubagile ukubōmba ikyo, umwe mumenye. U Ntwa abagile ukupa ikyo kwa uswe, ukuya nu bubōmbelo bwa bubūmbulúsyo. Popāpo uswe twīsa. . . Ukusyūngutila lilino, ukufuma kukipānga ukubūka ku kipānga, ukugela ukubālānia inongwa inunu, kangi nukwēndalana yumo nu nnīne, nukuya nu bulilanisi mu fyōsa ifipānga ifikindāne. Ikyo kyo iki uswe tukwitika, ukuti, uswe tuli yumo mwa Kristi.

⁶ Une nayobaga ilisiku limo ku ngānga. Une ngwītēndekēsya ukusōkāpo ukubūka ukukilania inyānja, kangi ugwe kufimbilisigwa ukuya nu bukētési bwa mbili. Popāpo une nāli mula panongwa ya bukētési. Kangi umwēne ābikile kimo mwa fila ikiyīga. . . Une. . . Komma ukundālúsyu une kyo fiki icyēne. Kangi umwēne ākyāgile ikindikimo ikihēsya. Kangi umwēne alinkugomokela kangi alinkutoligwa ukukyāgania icyēne, kangi umwēne alinkubēga ikibugutila kya bagānga, kangi itolo balinkusitakupilikísya ikyo. Umwene alinkuti, “Une ngakibonámo siku ikyo.” Kangi popāpo umwēne alinkunāngísya une ikipīcha kya icyēne, mūmo fikuti kūko mwābwīla ikyamabyēbye, kangi ugwe uli na mabyebye, kangi ifyene fipapate fiyo ukufuma ku kimo ni kinine. Lōli umwēne ākētēsísye pa fyāngu ifyene fyosa-fibili palapala palikimo. Alinkuti, “Ugwe gwe mwinitu unswīgísye.”

Une ndinkuti, “Une bwila nāménye ikyo. Aligwesa ikubomba.”

⁷ Alinkuti, “Uswe tukakibonámo ikyo siku.” Popāpo umwēne alinkwānda ukumbūla une isya icyēne.

⁸ Une ndinkuti, “Mulimōsa,” une ndinkuti, “ugwe umenye, une ngusakisya u Ntwa ununu, akabalilo kākō Umwēne ikututēndéka uswe mōsa, Umwēne itolo ikututēndéka uswe ukukīndána panini. Uswe tutikuboneka ngati yumo nu nnīne, kangi popāpo utubalilo tumo uswe tutikubōmbéla ngati yumo nu nnīne. Lōli—lōli Umwēne ikutēndéka ku Mwēne. . . injila Yāke Mwēne iya kutēndékéla icyēne. Uswe itolo tukubūka mu makina gakubūmbīla ikinywāmu, kangi uswe tukwitūgāsya itolo kimyemye, Umwēne isakutubūmba uswe injila iyi Umwēne ikulōnda uswe tuyega.”

⁹ Kangi une—une mmenye nayumo abagile ukulōnda ukuya kalikōsa lōli aka ugwe guli. Ikindu kyene iki uswe tubagile ukunyonywa. . . Ukufuma pāpo uswe tupokīgwe nukuya bāna ba Kyāla, ikīndu kyēne uswe tukulōnda ko kwēnda kwakifukipo

panini ilisiku lililyōsa. Ikyo kyo iki uswe tukwisyūka, panongwa ya bulilanisi ubukulumba bula. Bo bununu buki ikyēne kili! Ngimba ubagilēmo siku ukwīma ukwīnogōna itolo iki uswe twābagile ukubōmbāga linga uswe tukāli nakyo ikyo? Fiki—fiki. . . Linga ulusūbilo ulukulumba lula lukaligemekisya mwa uswe, angali tukubōmba fiki?

¹⁰ Une nāyobāga, nkimo mwa fipānga, une ndi. . . Ikyākwānda, ubuyo bumo, polelo ubūngi, kangi ukusyūngutīla ikīsu une ngutēndēka ubuyobi utubalilo tumo, ngwinogōna une mbagile ukwāndīsa ikyēne nkipānga kilakila. Lōli une nāsōkāga ukufuma nkiyūmba kūko une nafumile pakulāmbalīka nubusitu bwīngīpo, isya bāndu aba amwīsyūgu bikubōmba iki apa ikimogi ikipyā abēne bali nakyo, abēne bikukibilikīla ukyēne tyōnga, pamo ikindukikimo. Kangi une ndinkuti, “Une itolo ngamanya, iki ikīsu, abāndu bikulōnda ukukonyolēla amalūndi kango—kangi ukubōmbēla bo lula panongwa ya fiki.”

¹¹ Polelo, aalipo umwinitu, ukufwana malongo-mabili-namahano-na-kimo, ifyīnja malongo mabili na fihano-na-fibili ifi fikindilepo, ālinyāgile une kunyuma, alinkuti, “Akabalilo kanandi itolo, Tata. Branham.”

Une ndinkuti, “Ena, nkulumba?”

Umwene alinkuti, “Ugwe umenye, ugwe utikupilisya itolo.”

Une ngusubila, “Une ngusubila ndikubōmbāmo siku.”

¹² Polelo umwene alinkuti, “Ugwe uketile,” umwene alinkuti, “Une mbagile ukuketa ifūndo yāko.” Alinkuti, “Ugwe gwe nnyāmbāla gwa fyinja malongo mahano mbukusi. Lōli linga ugwe uli gwa bukusi bwāngu, ikyēnde āngāli kikīndēne.”

¹³ Une ndinkuti, “Gūlila panandi.” Une ndinkuti, “Une nālumbililāga Inongwainunu akabalilo kako une nāli fyinja kalongo nkekepo ukukīnda na ugwe. Une ngali ngwitika Inongwainunu yila. Une nkyāgile ikindukimo iki kikuboneka pa buyo, kangi ubusangulufu bwīngipo mukubōmbēla u Ntwa ukukīnda ifīndu fyōsa ifi mōhēsi abagile ukwāta kulikōsa.” Ikyēne kyo. . . Ikyēne kikumbāpo ubwikitisigwe.

¹⁴ Ugwe umenye, Davidi āyobile, “Bomumo imbabala yikūmwilwa ku misi ga kasoko, ubumi bwangu bukūmilwa kwa Ugwe, O Kyāla.”

¹⁵ Kangi linga ugwe gwakētilēmo siku yumo mwa bīnītu banini, akabalilo kāko umwēne—umwēne afulasīgwe, lumo imbwa sinkolile umwēne, kangi sinyukwīle akayabo akanywāmu ukufuma ku lubafu lwāke, pamo ikindukimo. Umwēne ikusōka ililopa. Kangi, umwēne, imbwa yibagile ukunnkōngēsya umwēne. Umwēne akaya ngati nnyāmbāla. Kangi umwēne abagile ukufwīma imbabala yila kali umwēne ikusōka ililopa pamo mma. Kangi popāpo injila yēne. . . Linga imbabala yila yikusōka ililopa, injila yēne umwēne abagilēmo siku ukuya nu

būmi ko kufika kūko kuli mīsi. Kangi linga umwēne abagile ukufika kūko kuli mīsi, umwēne isakunwa amīsi gala. Agēne gisakumasya ukusōka kwa lilopa, kangi—kangi umwēne abagile ukubopāpo. Umwēne gwamahala fiyo.

¹⁶ Lōli lilino umwe mubagile ukwīnogonēla, ngukēta yumo mwa bīnītu banīni afulasīgwe kangi ikusōka ililopa, kangi itolo mūmo untu gwāke gwāli mmwanya, kangi lyōsa ilibyebye lya kwīpilikisya kūko amīsi galiko, ni mbulo yāke. Itolo, umwēne ikufīmbilisīgwa ukugāga amīsi, pamo ikupyūtīgwāga. Kangi lilino ikyēne kyo itolo būmi pamo bufwe, ku mwēne. Umwēne, itolo akayabo kalikyōsa—kalikyōsa—kalikyōsa ka lūma ulu umwēne alinalo, umwēne ikugela, ikunyōnywa. Umwēne ikufīmbilisīgwa ukugāga agēne.

¹⁷ Lilino, iyo yo njila iyi uswe tukulōndīgwa ukūmulilwa kwa Kyāla. Muketile? “Bomumo imbabala yikūmwilwa ku misi ga kasoko ka mīsi, ubūmi bwāngu bukūmilwa kwa Ugwe, O Kyala.” Yaga mfisīgwe nu Mwēne kubuyobumo, kyo kinyonywo kya ndumbula yāngu. Kangi une ngusūbīla ukuti ikyo kyo kinyonywo kya bōsa aba bali muno ikilo iki.

¹⁸ Kangi lilino, kilo ukufuma pa kilo, kangi une ngulōnda ukukēta iki. Ifisyo ifi ugwe kukēta pa buyo bumo, ugwe kufikēta ifyēne ku būngi. Une—une nkiganīle ikyo. Umwe mukunāngīsyā ubulilānisi, kangi ukuyobēla iki uswe tuyīlīle apa.

¹⁹ Kangi, o, une nalōli nguganaga ukukēta uluyigo lwākayīlo-kaiyolo mu Phoenix. O, mwe! Ilisyu lila *Phoenix* linsensemwīsyē une ukufuma ka kabalilo kākwānda kalakala une nābalīle ilyēne, isya ilyēne, Phoenix, Arizona. Mwe, ndumiana nnīni, une ndinkwīnogōna, “Linga une nābagilēmo siku ukufika ku kabuyo kala! Linga une nābagilēmo siku ukufika kula, ku Phoenix!” Kangi lilino ngukēta akēne, kangi akabalilo kākō uswe tuli kuno uswe tukukāga akēne kayubikīgwe mbusolofu bwa butulwanongwa, ngati gōsa agāngi ga mabuyo, abayāti bikugwīlāmo; ukunwa, ubuhuni, ubulogwe, kalikōsa palipōsa.

²⁰ Lōli, napāpo, nkati mwa fyōsa fya ifyo, ugwe kwāgamo tumo utubwe utupala utwanalōli utu Kyāla atuyūganīle pānja ukufuma ku lulangalang kuno, utu tukumulika mu ngīga sya bāndu ba Kyāla abimikīgwe. Kangi ikyo kyo iki une njīle apa, ikilo iki, ngwibika nimwene na umwe bakundwe kangi umwe bākalūmbu, ukugela ukumulika u Bwēlu bwa Ntwa Yeso ku bāngi, ukuti abēne babagīle ukwāgīgwa, bōpe, mu lutamio ulukulumba ulu. Kangi bīngi ba bēne bali pānja pala tāsi. Une nīkutisīgwe isya ikyo. Bakāli balipo abakōngelélāpo ukwīngīla, kangi uswe tukufīmbilisīgwa ukubōmba kilikyōsa uswe tubagile ukubafikīsyā abēne kula, nukwītūgāla ubūmi ubu bwīsa kunāngīsyā Kristi.

²¹ Lilino, itolo bo tukāli uswe ukubala akasīmbe akanīni ka Lisimbo. . . Une nīsīle nkati ngābīle fiyo une itolo nasīmīle

utundu utunāndi, kifuki mu maminiti mahano ga kabalilo. Kangi abasongo ya sikali bāndūmīle itolo une ifyakugomola afyasōngo fimo, kangi une nafīmbilisīgwaḡa ukwāndako mula nakalinga itolo, kangi ikyēne kibagīle ukutumigwa pa positi, une ngwīnogōna, lumo umwīsyūgu, tāsi. Kangi popāpo une ngufīmbilisīgwa ukwakwīngīla mbubōmbela mbombo ifyakutumatuma. Kangi akabalilo kāko une nīngīle, Billy āyobile, “Ugwe kinunupo uyege mwēngo.” Kangi popāpo apa...

²² Une nāli itolo ukusyūngutīla, kangi ukusyūngutīla, ukusyūngutīla, na bīnītu bala. Mwe, o, mwe! Abēne bikuyoba isya bugolofu ku fīfigo fya bulongelanongwa. Une nguswīga kūko ikyēne kiliko. Ena. Une ngakētāmo siku bo sila. Kangi abēne bālōndāga une ukuhōmba isongo ya sikali pa ikyēke kilikyōsa iki kyāpēgīgwe kwa une ku fyīnja malongo mahano ifi fikīndile, ukuhōmba nukumalīsyā ifyakumelelīgwa ifya lusasano, na matīngo ga bwānike pa kyēne, muketile, amadola maelifu bamia-matatu na maelifu malongo mahano.

²³ Une ndinkuti, “Itolo ndusulila une.” Ngimba une mbagīle bulebule ukubōmba ikyo? Une ndinkuti, “Une ndolīgwe nubukafu nukuya nayo ukukīnda masenti malongo-mahano-na-tuhano.” Une ndinkuti, “Ngimba une ngubōmbāga bulebule ikyo?” Kangi abēne bākolile imbulo yāngu ku ligudumu ku fyīnja fihano.

²⁴ Popāpo, isi abāndu babīka ngamo mula. Mūmo, uswe tukuyaga ni sasanio, kangi—kangi abāndu, abēne itolo bikumanya ingamu yo William Branham, abēne itolo bikutēndēka ukusīmba ikyēke kya fyakuhomahoma. Ababōmbēli bikutēndekesya isya ifyo. Une ngēgāmo siku i kyābūpi mbūmi bwāngu. Kangi popāpa abēne bikwēga. . . Une ngwēga u—u mfwālo ukufuma ku kipānga kyāngu, amadola mia yumo pa ndungu.

²⁵ Kangi ikyābūpi iki. . . Lōli aligwēsa, muketile, ukuti abēne bābīkāga mula. . . Kangi ulubūnju ulukōnge, u—u—u—u yūyo āli nkulumba gwa kibugutīla kya bakyufyūma, umwēne isāga kwa une nukuyoba, “Nkundwe Branham, ugwe kufīmbilisīgwa ukung’wāla ifyēke ifi.” Kangi, fiki, une itolo nāng’wālāga ifyēne. Umwēne āfibīkāga ifyēne nkati. Kangi polelo abēne bakētēsīsyē mōsa ukukīndāmo, kangi komma isumuni nayimo iyi yahōmbīgwe kwa nīmwenē. Lōli akabalilo kāko une nang’wālīle ikyēke kila, abēne balinkuyoba ikyēne kyāli kyāngu. Abāndu bāpaga ikyēne kwa une, polelo une nāpāga ikyēne ku kipānga. O, mwe!

²⁶ Une nālīpilīke mbubibi fīyo, pakwānda, polelo une ndikwīsa ukusyāgānia ukuti u nnyāmbāla aligwēsa mu i Bāngēli, une ngwītīka, uyu ālīmo siku nu bubōmbēlabombo bwa Kyāla, alūnganisīgwe ni sikali sya kīsu. Kētēsya ikyēne kunyuma kangi

kyágánia ikyēne mōsa. Ubo bo bwanaloli. Mōse, Danieli, Yohani u Mōsi. Yeso Kristi áfwile pa kiboko kya sikali ya kisu, pási pa lufūndo ulukulumba. Peteri, Yākobo, Yohani, Yohani unsetuli, bōsa, aligwēsa . . . Bōsa bākubíwe ulufwímo.

²⁷ Fiki? Ikyēne kyo kikota kya Sētáno. Ngimba umwe mumenye ikyo? Ngimba umwe mumenye, Sētáno álimmwēgile Yeso mmwānya nukunāngísya Umwēne ifitāngalala, i kisu, nkafwāsi ka kabalilo? Kangi umwēne alinkuyoba, “Ifyēne fyo fyāngu. Une ngubōmba ni fyēne kilikyōsa une ngulōnda. Muketile? Kangi une ngukupága ifyēne kwa Ugwe linga Ugwe kugwila pási nukunyípúta une.” Popápa umwe mukukēta kwa ywāni abēne baliko? Uswe tukukibēnga ukwīnogóna ikyo isya abítu twībēne, lōli ikyēne mo kiyīlile.

²⁸ Popápo Umwēne alinkuti, Yeso alinkuti, “Sókápo ugwe, Sētano.” Umwēne áménye Umwēne ikwīngilága ikilīngo ku fyēne, mu Fyīnj’elifu. Umwēne áménye ifyēne fisakuyaga Fyāke akabalilo kāko . . . Akabalilo kāko, linga ifisu ifi fyālagililígwága na Kyāla, u Fyīnj’elifu āngali alipo. Loli kisakuyapo akabalilo.

²⁹ Abēne bali na U.N. kangi Ukukolelelána kwa Fikolo, na filifyōsa, ukugela ukutwāla ulutēngáno. Lōli akabalilo kōsa Sētáno yo ali pa mwānya pa ikyēne, kangi indyāli, ngimba kyo fiki kikubonekága? Abēne bisakulwága itolo nubusisimikisya bo kíkisu.

³⁰ Lōli kwisakwísága akabalilo pápo ifilwīlo fyōsa fisakulūndikígwa. Kangi ing’oma sisya kulūnduma, kangi ulubūnju lukukya Kwāsyépwa, lukumulika kangi kukīle. U Mwlafyāle gwītu isakwēga ikikota Kyāke. O! Pisakuyapo ukwīmba, pisakuyapo ukuywēga. Kangi pisakuyapo indembela yimoyēne, abāndu bamobēne, ikikolo kimokyēne, bikuyoba injobelo yimoyēne, Kyakumwanya. Ameni. Une nisyūkile akabalilo kala. Kangi une ngugūtila kubwabung’wāle bula, ngusūbila kwa Kyāla, ilisiku limo akabalilo ikyēne kimalíke, une mbagile ukuyoba . . . Une mbagile ukumpilika umwene ikuyoba kwa une, “Isaga apa pamwanyapo.”

³¹ Une ndi muno mu Phoenix ikilo iki mu Ngamu ya Ntwa. Une ngābagile—ngābagile ukugela ukulīngánia iki kyāboníke. Mwebīngi umwe bāndu mwe mukwēga amatepi, yāga basisimikisya ukwēga yimo yila, *Ngimba Ko Kabalilo Nki Akēne, Nkulumba?* Kila kyāla itolo bo ngāli une ukusókako ku kāya. Imboniboni yālundumíle une kuno; yo, une ngamanya fiki . . . une umma . . . une ngaya mūlisya matepo, kangi une ndinkutamígwa ni fīndu ifyo. Uswe tukugēga agēne, kangi uswe tuli ni mbombo ya tepi ukusyūngutíla i kisu. Kubutali mmatēngéle na kulikōsa, abēne bali nato utundutumo utunīni abēne bikubika mu mbulukuti syābo, abēne bali nato, kangi babagile ukutepa ikyēne mu tepi, kangi ikwīma pala nukusanusya kila mulamula mu njobelo. Kangi iyēne yikubūka ukusyūngutíla ikisu.

³² Kangi, lōli yimo iyi une nāli nayo, yila *Ngimba Ko Kabalilo Nki Akēne, Bakulumba?* Pamo, *Ngimba Aka Ko Kabalilo, Nkulumba?* Bamo. . . Une. . . Mpyāgilo nkilo, imilūngu mitatu igi gikīndīle, ku kipānga. Ukufuma pa būmi bwāngu bōsa ubwa kukēta imboniboni, une ngālimo siku na kandu kamo no aka pabutāsi, mbūmi bwāngu. Kangi une ngamanya ikye kyo fiki. Une ndi apa itolo, lōli Umwēne āndumile une kuno. Une ngamanya ukuti ikyēne kikusanusya fiki. Une itolo. . . Une itol ndi kuno.

³³ Kangi une mbagile ukuya gwābwanalōli kangi gwanalōlilōli, kangi iyo yo yēne njila uswe twisakufikila kulikōsa na Kyāla, ko kuya gwānalōlilōli. Nongwa yakuti, abanyāmbāla bisakumanya. Kyāla amēnye, mu bwāndilo, ugwe ukaya, kali ugwe guli pamo mma. Kangi abanyāmbāla bisakumanya. Panongwa yakuti, akabalilo kamo, ālipo unnyāmbāla yumo ikugela ukusolola. Kangi Kyāla alinkumbula. . . Pamo, u nsololi gwānalōlilōli ālimbūlile umwēne, alinkuti, “Unko uswe tukūmbukile. Bālipo abasololi bo tukāli uswe. Unsololi ikumanyigwa pene pāpo ubusololi bwāke bukūwa kukuboneka.” Popāpo uswe kinunupo tuyege basisimikisiyi uswe tumenye ukuti Kyāla āyobīle lūlo, bo uswe tukāli ukuyoba kalikōsa ka ikyēne. Yāga gwābwanalōli kangi gwanalōlilōli.

³⁴ Lilino unko uswe twinamisyē imitu gyitu itolo pakabalilo ku lwiputo. Lilino unko uswe tulibikaga palubafu ulupāsyo lulilosa lilino, ku maminiti manandi aga gikwisa. Une nguswiga. . . Mu kabugutila aka akanini akaganingwa ka bāndu apa ikilo iki, une mmenye ukuti tulipo utubwe utupala bitūgēsye apa aba Yeso isakwisa ukwēga ilisiku limo, aba bisakusumuka ukufuma ku lufūmbi.

³⁵ Kangi babagile ukuyapo bamo apa aba bakaya basisimikisiyi fiyo mma kali abēne bisakuyako kula, pamo mma. Umwe mubagile ukuya nu lufūmbwo lwa findu ifingi. Līnga lulipo ulufūmbwo mbūmi bwāko ikilo iki, unko ulwēne lumanyigwēga na Kyāla, bo umwe mukufyūsya ikiboko kyīnu, itolo mukuyoba, “Kyāla, Ugwe umēnye iki une ngusanusya lilino. Kangi nsayaga une. Une—une ndi mbine. Une ngufūmbwa ulubūmbulusyo. Une ne—une ne njōngile. Une ngulōndigwa ukugomokēla ku bulilanisi. Une—une ngulōnda ukugomokēla. Une—une nsobīle. Une ngugomokela. Une ngulonda Ugwe undūle une, ikilo iki, ukugomokēla.” Kyāla abasaye umwe.

³⁶ Tāta Gwākumwānya, lilino bo uswe tukusegelēla ikikota Kyāko, mu njila ya Lilopa lila, namanga, kangi Aroni ābūkile nkati pankyēne pa—pa kikota kya kisa, umwēne ālyēgile, ikyākwānda, ililopa nkiboko kyāke, kangī umwēne ābūkāga nkyēni, kangī uswe, nu lwītiko ikilo iki, tukwāmbilila i Lilopa lya Ntwa Yeso Kristi, nukusegelela i kikota kya Kyāla, bnubukifu, tumenye ukuti uswe tuli nu bwābūke ukwisa, komma mu bugolofu bwītu twībēne mma, lōli mu Bwāke. I

Lilopa likwīmila ukusukígwa kwítu. Kangi une ngusuma, Tāta Gwākumwānya, ukuti Ugwe kwisakupāga isūmilo yítu.

³⁷ Ikyākwānda, uswe tukusuma Ugwe ukuya gwakisa kwa uswe, ukutuswa uswe ukufuma ku ngilano syítu syōsa, bo uswe tukulāta isobi syítu, kangi utubwítabanie twítu utunīni, kangi imbībi syítu isya mbutítu, kangi imbībi syítu insitakumanyígwa. Kangi uswe tukulāta nūswe ukuya babōmbéli, ukuya bapūti, imbībi sya bāndu. Palikimo, Ntwa, uswe tukwīma. Uswe tubaganile abāndu. Uswe tukwīpilika bo yu Mōse bo umwēne ālisopile mwēne pakati, ukubakoleléla abāndu, ubugāsi bwa Kyāla. Ko kunāngisya kuki kula kwāli, ukwa bugolofu bwa Kristi, akabalilo kāko Kristi ālisopile Mwēne pakati, ukupoka abāndu!

³⁸ Kangi, Tāta, uswe ukuya bāmbombo Bāke, na Mbepo Gwāke mwa uswe, u Nkristi aligwēsa nkati muno ikilo iki, ikolelége mwēne pankyēni pa ntulwanōngwa: “Kyāla, yaga gwākisa ku bēne.” Uswe tukukūtīla ababine kangi abafūmbwe, ku maboko amapala gala, bamo mwa bēne bakāngāle, kango bamo bakeke, kangi bamo ba bukusi-bwapakati, bikufyūsyā amaboko gābo. Ugwe umenye fyosa ifwakufwana na ifyo, Ntwa. Uswe tukusuma ukuti Ugwe kwisakwāmulāga ukufwana nu bukabi Bwāko mu lwīmiko.

³⁹ Baliyaga ngako bīngi ikilo iki, Ntwa, babūkége ukufuma apa, aba bīsile nkati, aba babine, abēne baligomokelāga, bali kanunu, babūmbulusígwe. Itolo ikindikimo ukuboneka, abēne bakabagila nukulīngānia ikyēne, lōli abēne bamēnye ukuti abēne bali kanunu.

⁴⁰ Baliyaga abēne aba bayōngile babūkége bagolosígwe, Ntwa, bamenye ukuti abēne bagomokile kangi bapīmbile Kristi pāpo abēne balindekile Umwēne. Balibūkāga abēne, ukutēndēka ingomokésyo. Pāga, Ntwa, ukuti bala bābo bakīsāmo siku bisakwāgāga ubwābūke ubupala bula ubwa kuya mwābūke, bīgulígwe ukufuma nkibaga, komma kangi ukupinyígwa ni fīndu fya kīsu ni mbākīsyo sya būmi ubu, lōli bātēndekígwe bābūke mwa Kristi. Pāga ikyēne, Tāta.

⁴¹ Sayaga fyōsa ifi uswe tufūmbilwe lilino, kangi sayaga i Lisyu Lyāko nu gwāmbombo Gwāko, kangi uswe twīsakukupāpo Ugwe ulutūfyo. Mu Ngamu ya Yeso uswe tukusuma ikyēne. Amenī.

⁴² Lilino, linga uswe tubagile ukubala ubisīmbo bwa Lisimbo, pamo i Lisīmbo ukuya busīmbigwe, ndigi, Bakorinti Gwākwānda untu gwa 14, ilinandi lya 8, likubala bo ulu, mu Bakorinti Gwākwānda 14:8.

*Kabuno linga ingangabwite yikupa akōgo
akasitakusisimikisigwa, ywani ikumanyaga
ukwitetendekesya mwene ku bwite?*

43 Ili likuyaga lisimbe lwakufwāna ili uswe twābagile ukulūmbilila imilūngu mibili ukufuma lilino pa lyēne, kangi lōli nasiku ukupalamasya ulwēmbē lwa ilyēne. Kilipo ikindukimo ikya Lisyu iki kikapūtīla. Ugwe kingikingi ulu pa busimbe bumobwēne bula. Ugwe ubagile ukupinya i Bāngēli lyōsa ni lyēne. Ikyo kyo kitalusye.

44 Iisiku limo u mwīnitu yumo ālindālusīsyē une, alinkuti, “Ngimba ugwe ubagile bulebule ukwēga ubusimbe bumobwēne bulabula?”

Une ndinkuti, “O, mwe! Ugwe kwēga inongwa ya kalikōsa ukufuma mu lyēne.”

45 Une nāpīmbole mmwanya i ndeka ya māni-matatu yilāmbalēle pa mfu, nukunkolelēla mmwanya. U nnyāmbala yula itūgēsye apa ikilo iki, ukufuma ku Tucson. Kangi uswe twāli mu Pasadena, California. Kangi une ndinkuti, “Une nābagile ukwēga i ndeka ya māni-matatu iyi nukulūmbilila ifyīnja malongo-mabili-nafihano pa yēne: mūmo iyēne yo būmi, ubu buli mu yēne; mūmo, amāni matatu gala, ukuya butatu mwa Yumoywēne. Kangi, o, o, filipo itolo ifindi fīngi fiyo ifi uswe twābagile ukuyobapo isya ikyēne.”

46 Kangi bule isya Lisimbo? Ilyene lyo Lisyu lya Kyala. Ilyene lya Bwilanabwila. Ikyēne—ikyēne lyaali... Ilyene likaya nu bumalikisyo. Ilyēne likūmilīsyā ukukīndilīla nkyēne, nkyēni, nkyēne. Ilyēne mbwīsilo kwa uswe.

47 Kangi lilino ikilo iki une ngulonda ukuyoba pa iki: *Ingangabwīte Yikūpa Akōgo Akasita Kusisimikisīgwa.*

48 Mu kwīnogōna isya ilyēne, itolo akabalilo kanini pītasipo, akabalilo kāko une nīnogonāga pa i...inōngwa yila ya songo ya sikali, une ndīnkwīnogōna, “Kikayapo kifuki nakimo umwīsyūgu iki kyo kisimikisye. Kilikyōsa kili nabo ubusitakusisimikisigwa ku kyēne.” Kangi kalikōsa aka kali kasitabasisimikisigwe kikabagila ukusūbilīgwa. Kalilkōsa aka kali kasitabasisimikisigwe kakabagila ukusūbilīgwa. Ugwe itūgāsya kubutali ukufuma ku kyēne linga ikyēne kikaya kisimikisigwe.

49 Linga ugwe uli ni bukyulusi; kangi, iki, uswe tuli nabo abanyāmbala abakyulusi balipo, lumo bīngi ba abēne. Linga ugwe kubōmba u bukyūlusī ubu bukaya busisimikisigwe, ugwe utisakubīkaga ngamo fīngi fiyo mu bwēne, panongwa yakuti i—i ikyakuyabana kyo kisitakusisimikisigwa, kangi ugwe utisakutēndēka ulubyālo lulwīngi fiyo mu bwēne. Pamo, linga ugwe nnūnu, nkyulusi unkomu, ugwe kwīsa kugūlila nukulōndēsya mōsa, linga ugwe uli nasyo ihela simo isyakubyāla, mpaka ugwe kwāga ikindukimo iki kyo kisimikisigwe, ikindukimo iki kyo kisūbilīgwa, ikindukimo iki ugwe ubagile ukusūbilapo. Panongwa yakuti, ugwe utikulōnda ukutāga akahela akanīni kala aka ugwe gwākūyūngile mpaka

pala, panongwa yakuti na yila ugwe āngali gwitēndekile ubwitūgale, ukufuma ku mfwālo ukufumi—ukufuma ku buyabane ubu bukufūnjígwa pa bubyāle ubu. Fiki, ugwe kufīmbilisígwa uku—uku kwāgapo ikindukimo ukuyīlāpo nubūmi.

⁵⁰ Kangi akahéla akannīni aka ugwe ukyūngīle, komma ukubīka akēne mu nyāmbi yāko nukukaléka akēne mula, panongwa yakuti abahīyi bisakukība akēne. Muketile? Komma, komma ukubōmba ikyo. Linga ugwe ulinako akēne, kabyāla akēne mu kindukimo. Kangi polelo ugwe kulōnda ukuya nsisimikisyi isya busisimikisyo bwa bubyāle bwāko. Linga ugwe utikobōmba ikyo, fiki, komma ukubyāla akēne, na panandi.

⁵¹ Popāpo, ubukyulusi bo nalōlilōli buli ba bwīme ubusenyeḡgwe ikilo iki. Ubukyulusi bulibōsa, mbwanalōli bwāke, nkīsu, buli nkayīla akasenyeḡdeke, panongwa yakuti ikīsu kili nkayīlo akasenyeḡdeke. Ugwe itolo ukabagīla ukwiyītīkīsyā gwīmweḡe . . .

⁵² “Lilino, une une nguya pakukaba ihela *ya-kuti*, ukwīyēngéla nīmweḡe akanunu, akāya akanīni kubuyobumo.” Ikyo, ikyo kyo nalōli kisendeke, une ngwisakukubūlāga ikyēne kili, panongwa yakuti i sikali yibagīle ukwēga akēne kōsa mōsa, nkilo kimo.

⁵³ O, ifīndu ifi fikamandīle i demokalase yītu, yibolile fīyo, mpaka iyēne yo nalōlilōli nsenyeḡdeke! Uswe twālisibīle ukubagīla ukubīka ikilūndiko kya ulusūbīlo mu demokalase yītu. Kangi, iki, une nalōli ngwīnogōna iyēne yo bubūmbe ubunūnu ukukīnda bosa bwa sikali. Lōli, pōpe, i demokalase yītu yo nsenyeḡdeke. Panongwa yakuti, uswe, ikīsu iki, abāndu bītu, uswe tuli ni kilūndiko kya ndagilo, kangi ikilūndiko kya ndagilo iki kyo—kyo bumalikisyo bwītu. Lōli, pōpe, mu kila, ikilūndiko kya ndagilo kyītu kyo kisenyeḡdeke, panongwa yakuti ikyēne kyo kitalile kibongotoligwēmo utubalilo twīngi. U mpisi Tāta. Roosevelt ātēndīke ulufulunganio ukufuma ku kyēne. Popāpo, muketile, umwe mukukēta ikyēne kibagīle ukubongotoligwa. Ulwēne lukaya lusūbīlo lwīngi ugwe ubagīle ukubīka mu kyēne.

⁵⁴ Indyāli, o, mwe, bo busenyeḡdeke buki! Abāndu itolo bikūmāna, nukūmāna, nukūmāna, ukufwāna ni ndyāli. Kangi abapalamani bisakīndāna, isya isyēne, kangi abāndu aba bāli abakalilo kamo bīnake banunu. U pulezidenti yumo isakufyuka mmwanya, pamo umunduyumo ukusania ukuya serifi, pamo ikindukimo, kangi umwīnitu uyūngi pa lubafu ulungi lwa lupaso lwa ndyāli, kangi abēne bisakūmāna yumo nu nnīne mpaka abēne bikukīndāna pa kyēne, ndyāli. Kangi une ndiku . . . ngusūbīla une ndikufulasya ubwipilike bwa yumo, loli une ngwinogona ikindu kyosa kibolile. Muketile? Ena, nkulumba. Popāpo nongwa ya fiki ugwe kūmanāga nukukīndāna isya kindukimo iki kikaya kinunu mulimōsa? Uko ko kotalusya. Ikyēne kyo itolo kinyali fīyo.

55 Umunduyumo āyobīle kwa une ilisiku ilīngi, umwēne alinkuti, “Ngimba—ngimba ugwe kwisakusalila ndusalo ulu?”

Une ndinkuti, “Une ndalile nsalile.”

Alinkuti, “O, ndusalo ulu?”

56 Une ndikutu, “Une nsalile Yeso.” Une ndinkuti, “Une ngukubūla ugwe. Balipo abāndu babili bikwīsalila une.” Une ndinkuti, “Kyāla ālīsalile kuli une, kangī u mōhēsi ālīsalile ukulwānana une. Kangī une nāsālile kuli Kyāla, popāpo une ndinalo ulusalo lwāngu palapala.” Kikwēgela kūko ugwe kubīka ulusalo lwāko, mūmo ugwe kusōkelāga pānja.

57 Popāpo, kētēsya, itolo lululu ulu, ukubanāngīsya umwe itolo akabuyo akanini, kangī polelo uswe twikusōkāpo apēne. Mu lusalo lwa pulesidenti ulu lukīndile, akabalilo kāko ikyēne kyāli nalōlīlōli kisisimikisīgwe mu Chicago na mabuyo amakīndāne, ukuti a makina aga abēne bāli nago ukusalilāpo, ukuti, agēne gatendekesīgwe na ba kibugutīla kya Democratic, ukuti akabalilo kalikōsa ugwe kwīsalīla Tāta. Nixon, ugwe gwafīmīlisīgwāga ukwīsalīla Tāta. Kennedy, akabalilo kamokēne kalakala. Polelo, ugwe utikuya nu lusako nalumo. Kangī ikyene kisisimikisye!

58 Kangī umwe mwapiliike *Monitor* ikilo kimo, akabalilo kako abene babikile u—u kafukulafukula mosa nkisu, ukufuma ku Mississippi, kubusokelo. Tata. Nixon alyegile ulusalo lwa kifigo—ku—kifigo ulu, mana ku limo. U mundu abagile bulebule ukuponjola? Linga ikyene ali Tata. Kennedy, angali ikyene kili mu njila yilayila. Une ngaya nakyo ikibutīla nakimo.

59 Ikibugutīla kyangu kili ku Mwanya, kangī une ndinabo itolo na bene apa ikilo iki. Uswe twitugesye mu mabuyo Gakumwanya, tukuyoba ku Mwalafyale gwitū.

60 Loli, umwe muketile, une ngugela ukubabula umwe, ifindu ifi ifya kisu fyo fikusenyendeka. Kukayapo nakumo. . . kabagila ukubika ulusubilo mu fyene. Ifyene fyo fisitakusisimikisigwa. Kangī kalikosa aka kakaya kasisimikisigwe, une itolo kinunupo ukusokapa pabutali bwa kyene. Une ngakigana ikindu ikikwabīle—pasi kila. Une ngigana ukwiyongania nu lubafu ulukwabīla—pasi. Une nkiganile ikyene ikyakongelela, yaga pa lubafu lwakongelela.

61 Lilino, ubumi bwa nkaya bwisile ukuya busitakusisimikisigwa. Umwe mumenye, une ngetile akayabo ilisiku ilingī, mwa yumo mwa kalata gwa nongwa kubuyobumo, ukuti ukusoka mbwegi kwa America kuli pamwanyapo ukukinda ikisu kilikyosa nkisu kyapasi. Kangī uswe tubagile ukuya kisu kya bwiputi. Ena, kyabagile ukuya ikyo, mosa kanunu, lolu ulwene lukaya lo luko ulutalusye. Muketile? Ubwiputi bo kyakwikinga itolo. Ikyene kikafu ukuyoba iki uswe tukutendekela ikyakwikinga kyitu ukufuma ku fiki. Adamu agelile ukutendeka u luko lumo lwa mani ga mafilu,

kangi ikyene kikabombile imbombo. Ikyene kilinkuya naloli kisenyendeke akabalilo kako umwene asokile panja ukwagana na Kyala. Popapo ubwiputi butikufwanikisya ikyene kyosa. Loli ngimba umwe mubagile ukwinogona ukuti ubwingi bwa kusoka mbwegi kwitu, pamwanyapo ukukinda—ukukinda fyosa ifisu ifingi, ukosoka mbwegi kwitu? Uswe tukwaga ubulogwe pa bwendo ntwaya twitu.

⁶² Ikyene kyali kiswigisye ukusyagania, ukuti, ikiyabo ikinywamu pa kafukulafukula gwa kisu, kangi nkati mu... Une ngusubila ikyene kyali mu Ohio, ukuti ukufukulafukula kwalyegigwe ikya Kikristi, kangi ikyene kyali kyakuswigisya kyo kiyabo kiki iki kikabukaga na kukipanga mma. Kangi polelo, kifuki bakalongo lwele mwa mia yumo ba bala aba babukaga ku kipanga, bakamenye inongwa iyi babukilaga. Abene bakāyimenye fiki abene babukilaga. Abene bikubuka itolo ku kipanga.

“Ngimba fiki ugwe kubuka?”

⁶³ “Mulimosa, mama atutwele uswe akabalilo kako uswe twali banike, kangi uswe tukumilisa itolo ukubuka.” Kangi—kangi polelo, ikiyabo ikingi kya ikyo, bayobile ukuti abene babukile itolo panongwa ya, o, ukwagana na bapalamani babo nukuyoba pa kabalilo. Muketile?

⁶⁴ Fiki, ikyene kyo kyakuswigisya! Fyobene ubumi bwa nkaya bukingile, muketile, ubumi bwa kaya bulibosa bukaya bwitugasye mma.

⁶⁵ U nkikulu aligwesa uyu ikwegigwaga nu nnyambala, kangi umwene akaya nsisimikisye isya nnyambala yula, umwene kinunupo andeke umwene pamwene. Kangi u nnyāmbála aligwesa uyu ikwēgaga u nkikūlu, kangi ukaya nsisimikisya, ugwe kinunupo ukundeka umwēne pamwēne. Ugwe kinunupo ugwe iputa ukukindilila, pa kyene, mpaka Kyala ikukupapa ugwe ilyāmūlo. Kangi polelo iki Kyala ikulungania palikima unku nu mundu nayumo alingapagulaniaga mma. Loli uswe—uswe, ikyakwanda, uswe tukufimbilisigwa ukwiputa ukukindilila, pa ikyo. Ena.

⁶⁶ Lilino, uswe tukusyagania ukuti uswe tugelile ukupindusya ikisu ukwisila mu lubatiko lwa bumanyili, kangi uswe naloliloli twatendike ikinyanyasi ukufuma mu kyene, naloli ukufwana. Ugwe ukabagila ukupindusya ikisu kwa Kristi ukwisila mu lubatiko lwa bumanyili. Ubumanyili bukunkwabila umwene kubutali na Kyala, ukukinda mumo ubwene bukunkwabila umwene ukubuka kwa Kyala, panongwa yakuti umwene ikugela ukwinogona umwene yo nkomupo ukukinda umunduyumo uyungi. Nu bununu mumo ubumanyili buyilile, Kristi akatumilemo siku i kipanaga Kyake ukumanyisa ikisu. Umwene akamanyisyemo siku abene, ukutendeka amaseminale. Umwene akabombilemo siku naloli ukumanyi-...O, abene

bo banunu. Umwene akababulilemo siku abene ukubuka nukuyenga ifipatala. Ifyo fyo fyosa fili kanunu.

⁶⁷ Loli u bukuyulisi bwa Kipanga ko kulumbilila i Nongwainunu. “Buka umwe nkisu kyosa, ukulumbilila i Nongwainunu ku kipeligwa kilikyosa.” Muketile? Loli kalikosa akakindane ukufuma ku ikyo, kakuya kasenyendeke, panongwa yakuti akene kali panja pa lubatiko lwa Kyala.

⁶⁸ Ubumi bwa kisu bo busitakusisimikisigwa. Mulimosa, ikisu kya pasi kyo kisitakusisimikisigwa. Uswe tuli itolo nu bumi mbuyo kuko ikisu kyosa kikuya nu bukupame bwa lutende, kikuboneka ngati, ukusenyenda fyosa. Ikisu kilikyosa, aligwesa, yumo ikuntula uyungi yula. Abene bikuyoba ulutengano.

⁶⁹ Abene bali, akabalilo kamo, abene bayobile, “O, akabalilo kako uswe tukulwa u Bwite Bwakisukyosa Bwakwanda mosa, ukuti abalumiana bitu bosa bikufimbilisigwa ukubuka kula, kangi kila kisakubotesya amabwite.” Nongwa ya fiki, abene bakamâlile nukumala ukupûta ilyôsi lya ndusu mu mbepo mpaka abene bâli pa bûngi.

⁷⁰ Polelo abene bali ni Kibugutila kya Fisû, kangi kila kyayaga pakuya sikali ya kisu kyosa, kangi ikylene kyagwilemo mulamula. Lilino abene bali na U.N., kangi ikylene kyo itolo kimokyene kilakila. Ikyene kyope kigwilemo mosa. Kikayako nakimo ku kyene.

⁷¹ Kilikyosa kyo kisenyendeke; ubumi bwa fisu, ubumi bwa ndyali, amakina ga lusalo. O, mwe! Abene bo itolo. . .Ikindu kyosa kisenyendigwe mosa, filifyosa.

⁷² Lilino une ngulônda ikukitwâla pâsi kifuki panini ku kâya. Muketile? Ubûmi bwa kipanga busenyëndigwe kangi busitakusisimikisigwa. Lilino, ikyo kyo iki Paulo yula ikuyobelaga ngapo. Muketile? Ikyo kyo kuko umwene asanusyâga, “Linga ingangabwite yikupa akôgo akasitakusisimikisigwa.” Ubûmi bwa kipanga busenyëndigwe môsa. Abându batikumanya kifuki ikyakubômba. Abene bikubûka, ukubêta ukufuma ku kipanga ukubûka ku kipanga, ukugela ukusyâgânia kyo kiliku iki kili ni kindu ikitalusye; ukufuma ku mbânda ukubûka ku liyêngo, ukugela ukwâga iki kyo kitalusye, ko kugu kuli ikimanyisyo ikitalusye. Kangi yumo ikwîsa ukusyungutila, kangi abene babagile ukulingania ikyene, itolo kifuki ku buyo bulabula bwa kimanyisyo kyâbo, kyo kitalusye. Kangi polelo, ikindu kyâkwânda umwe mumenye, abene bikwâgâmo ububole bwîngi fiyo mu kila, mpaka abene bikugela ikipanga ikîngi, ukukêta iki ikimayisyo kyâbo kyo fiki, ikimanyisyo. O, fyôsa ifi, uswe tukusyâgâmia ukuti uswe twibongotwile twîbéne môsa polelo, ukwisila mu findu ifi, ukubûka ku ba mia ba mbâtiko ingîndâne sya kipanga. Lilino, kikayapo nakimo ukulwana ni kyene. Ikyo kyo itolo abene babagile ukubômba ifindu ifingi, polelo, kila abene bikubômba,

kangi pala pabagile ukuyapo ubununu bumo bukusōka ukufuma mwa icyēne, pabuyobumo.

⁷³ Lōli, umwe muketile, ugwe ukabagila ukubīka ulusūbilo lwāko mu kuyoba, “Une ndi gwa kibugutila kya fipānga fya Methodisti, kangi une—une ndi kanunu panongwa yakuti une ndi gwa ku kyēne.” “Une—une—une ndi gwa kibugutila kya Baptisti, kangi unw ndikanunu.” Ugwe ukabagila ukubōmba ikyo.

⁷⁴ Ugwe ukabagī nukubōmba icyēne akabalilo kāko ugwe kuyoba, “ndi gwa kibugutila kya fipānga fya Pentekosti.” Ugwe ukabagila ukubomba ikyo. Ugwe kufimbilisigwa komma ukubōmba ikyo umma, panongwa yakuti icyene kikaya mma. Uswe tukusyāgānia ukuti akabalilo kāko ikibugutila kyākwānda kya Pentekosti, Ulubūngāno Ulukulumba, lwābīkīgwe ndubātīko, pakāli pabutali fiyo mma mpaka abēne balinkwānda ukubongotokako ukufuma *kula*, kangi ukubongotokako ukufuma *kuno*, kangi ubutolwe, kangi ifimanyisyo. Kangi lilino keta itolo ku kyene, kulikōsa. Muketile? Ikyēne kikubūka ukunāngisya ukuti icyēne kyo kisitakusisimikisigwa. Bala bābo bīkusūbila itolo mu kipānganio kyēne, icyēne kyo—ikyēne kyo kisitakusisimikisigwa.

⁷⁵ Lilino, ugwe ubagile ukuyoba, “Nkundwe Branham, ugwe kutwēga uswe panja pa lusāmba ulunywāmu pānja apa. Ugwe kusīngūla ikipīcha icyāngīsi fiyo.” Kangi une ngulōnda ukubōmba ikyo. Une nālōndāga ukubōmba icyēne.

⁷⁶ Une nābōmbile icyēne pa nōngwa yimo, ukuti une mbagile ukuyoba iki. Ngimba kalipo akāndu kalikōsa kamo akasisimikisye? Ena. Kilipo ikīndu kimokyēne iki kyo kisisimikisye. O, une nsangalwīke fiyo panongwa ya ikyo, ukuti kilipo ikīndu kimo iki ugwe ubagile ukubīkāmo ulusūbilo lwāko, kangi kuyaga nsisimikisiyi ukuti icyēne kyo kitalusye. O, akabalilo kāko kilikyōsa kikīndīle, *Iki* kisakwīmbaga. Linga ugwe ukubalaga Mwikemo Matai 24:35, Umwene alinkuti, “Kumwanya na pāsī fisakumalikaga, loli i Lisyu Lyangu litisakutoligwāmo siku.” Kyala ali nalo ulwālo ulusisimikisye.

⁷⁷ U mwīnitu unkāngāle, āyobile akabalilo kamo, unkāngāle untītu ukusuluka Kwītōngo. Umwēne āpīmbile i Bāngēli, kangi umwēne ātoligwāga ukubala. Kangi abēne balinkuti, “Ngimba ugwe nongwa ya fiki kulipīmba ilyēne, Sam?”

⁷⁸ Umwene alinkuti, “Ilyēne lyo—ilyēne lyo i Bāngēli Likémo.” Alinkuti, “Ilyēne kisimbigwe pa Ilyēne.” Kangi alinkuti, “Une ngulītīka Ilyēne, ukufuma kukikupililo ukubūka kukikupililo, kangi ngwītīka ikikupililo kyōpe,” umwēne alinkuyoba, “panongwa yakuti ilyēne lila ni, ‘Ilibāngēli Ilikémo’ asīmbīgwe pa lyēne.”

79 Kangi umwīnitu āyobága ku mwēne, alinkuti, “Ugwe utikwītíka fyōsa ifi fili nkati mu Lyēne?”

Alinkuti, “Ena, nkulumba. Une nalōli ngubōmba.”

80 Umwene alinkuti, “Lilino, mulimosa, ugwe kusanusya ukubomba kalikosa aka i Bāngéli liyobile bōmba?”

Umwēne alinkuti, “Ena, nkulumba.”

81 Alinkuti, “Buli linga i Bāngéli lyāyobile ukuti Sam ukunyēlēla ukukīnda ikibūmba kya mabwe *kila*? Ngimba ugwe kubōmbága fiki?”

Umwene alinkuti, “Une āngali ngunyēla.”

82 Umwēne alinkuti, “Mulimōsa, lilino, ngimba bulebule ugwe kukīndága mula nkibūmba kya mabwe kisita kibwīna ukuya pala?”

83 Umwēne alinkuti, “Linga i Bāngéli lyāyobile ukuti Sam anyēle, pala āngali kilipo ikibwīna mula akabalilo kāko Sam ikufika pala.” Popāpo, ikyo, ikyo kyo itolo kifuki kyākutalusya. Pikuyāngápo ikibwīna mula.

84 Ikindu kyene iki ugwe kufimbilisigwa ukubomba ko kwegwa ubwīme bwāko pa Lisyu lya Kyāla, kangi Kyāla isakutēndēka injila ya kyōsa ikīngi kya ikyēne. O, u Lwālo ulukumba lula!

85 Une ngusūbila Umwēne āyobile, kula mwa Luka, une ngusūbila ukwēne kwāli, kūke ikusuluka pāsi pa kyāmba, Umwēne āyobile ku bafūndígwa, “Yo ywāni uyu abāndu bikuyoba Une ne Mwanundumiana gwa mūndu ndili?”

Kangi yumo alinkuti, “‘Yeremiya,’ kangi ‘abasololi,’ na fyōsa bo ifyo.”

Kangi Umwene alinkuti, “Loli ngimba umwe mukuyoba ukuti une ne ywāni?”

86 Ako ko akabalilo kako Peteri atendike ubuyobelo ubufumuke bule, “Ugwe gwe Kristi, u Mwanundumiana gwa Kyala gwabumi.”

87 Umwēne alinkuti, “Ugwe uli nsayigwa, Simoni, mwānundumiana gwa Yonasi, kabuno umbili nililopa fikasetula iki kwa ugwe. Lōli Tāta Gwāngu uyu yo ali Mmwanya āsetwīle iki kwa ugwe. Kangi pa lyālabwe ili Une nisakuyēnga i Kipānga Kyāngu, kangi ifipata fya gehena fitisakutola ukulwāna ni Kyēne.”

88 Ngimba ikyēne kyo fiki lēlo? Pamwanya pa bwanalōli ubusetilígwe bwa Lisyu lya Kyāla. Ku, “Bwandilo lyālipo i Lisyu, kangi i Lisyu lyāli na Kyala, kangi i Lisyu lyāli Kyala. Kangi i Lisyu lyapeliigwe ukuya mbili kangi nukwitugasya pakati pitu.” Kāngi ikyēne kyāsetulígwe kwa Peteri ukuti lila lyāli Lisyu ilisisimikisigwe lya Kyāla. Ameni.

89 Fyōbéne Umwene abagile ukuyoba, “Ngimba ywani abagile ukundobesya Une isya butulwanongwa? Ywāni abagile

ukunsitāka Une? Kilikyōsa i Lisyu lisĩmbile isya Une, Une mbōmbile ikyēne.” Kyala āsisimikisye ikyēne, ukuti Umwēne āli yo Lisyu. O, ilyo lyo kyene. Kyāla atwēle pabwelu, i Lisyu likuyoba lūlo, kangi polelo Kyāla ikutēndēka ikyēne kyānalōli, ikukitwāla ikyēne ikuboneka, ikunāngisya ikyēne.

⁹⁰ Ifyĩnja ifi fikindilepo, akabalilo kako abēne bikuyoba ku kipānga, “Kikayapo ni kindu nakimo bo lōsyo lwa Mbepo Mwikemo, ikyo kyo itolo bwĩpilike ubu abāndu biyēgĩle bēne ukwiyeyemusya,” lōli bala bābo bālyāmbilile Ikyēne, bāmenye bula bwāli bwānalōli. Abēne bāmenye Kyāla āli gwanalōlilōli. Kangi ikyēne kisimikisigwe, mpaka, umwĩsyūgu, uluyĩgo lwa Pentekosti lwa Kyāla ukukilania ifĩsu, lutwēle ukukĩdāpo mwa Kristi ukukĩnda bōsa abāngi ba bēne babōmbile.

⁹¹ *Our Sunday Visitor*, pakaya patali mma, ikalatasi ya Kikatolika, yayobile, une ngusubila ikyene kyalĩ kiyinja kya pakiyolo, pamo ikyinja kya mmayolo, kimo, ukuti, “Ikipanga kya Katolika kyalingsye abapinduke sinda gwa miliyoni. Kuko, Abapentekosti balingisye imiliyoni yimo, amaelifu bamia bahano.” Ameni.

⁹² Ngimba ikyēne kyo fiki? Ikyēne kyo kĩndu iki kikukula, i Lisyu lya Kyāla, likubalanila pānja. Mũmo uswe tubagile ukuya bakupālisya! Ikyēne kyo fĩngi fĩyo, mpaka, lilino bōpe aba Episkopo, Presbeteri, Luteri na bōsa, bikwisa ukwēga tumo mwa Ilyēne. Umwe kētēsya mu lukomano lwa Banyāmbala Bakyulusyĩ, ugwe kupilika abēne bikuyoba isya bamo abakĩndāne: aba Episkopo, Luteri, Presbeteri. Fiki, ugwe panini fĩyo kupilikamo siku isya m’Pentekosti ikubōmba kalilkōsa kangĩ mma. Uko ko kotalusya. Ukwene ko bosa abangi ba abene. Panongwa yakuti fiki? Abēne bakētĩle ubōnywa bwābo ubwa kimanyisyo kyābo, kangĩ abēne bagomokĩle ku Lisyu. Pala ugwe kulwāga u lwālo, ikindukimo iki kikabgĩla ukusemesigwa.

⁹³ Nyagila nkati mula, u Mbepo Mwikemo ikwitūgāla u Bumi Bwake mu bandu ba bũndu, ikwibonesyapabwelu Mwene ku kisu. Kangi ikyēne kikupela abanyāmbāla ukũmilwa panongwa ya Mwēne: unsitakusenyendeka, unsitakukemeligwa, i Lisyu lya Kyāla kangĩ ikwināngisya Mwēne, i Lisyu Lyēne likwītūgaligwa mōsa ukukĩndilila mbũmi bwa bũndu. Kyo kĩndu kinunu bule! Kakayapo nakamo aka kasitakusimikisigwa isya ikyo. Ugwe ubagile ukuketa kuko Kyala āfingile ulufingo, kangĩ apa ikyene kikupeligwa ukubonekela. Abamia ba fyĩnja ifi fikĩndilēpo abasololi bāyobĩle isya ikyēne, kangĩ apa uswe tukukikēta ikyēne kikwisa ukubōmbigwa.

⁹⁴ Ukukĩnda mōsa mu kulōndēsya-busobi, ukukĩnda mōsa mu bukĩndāne, ukukĩnda mōsa mu fimanyisyo, mũmo abēne bagelile ukukanyila pānja i Lisyu lya Kyāla! Mũmo abēne bagelile ukupyānikisya nu bumanyili. Abēne bagelile ukupyānikisya, ukupela ikipānga-kipāgũke. Abēne bifulugenie bēne. Kangi

ukufuma mu kyōsa ikyēne, i Lisyu lya Kyāla likāli likwīma itolo ukuya limulike kangi lindalike mūmo umwēne āyīlilēmo siku. Ikyene kyo fiki? Ikyene kyo kindu iki kisisimikisīgwe. Kyala ātile, “Fyosa-fibili kumwanya na pāsi fisakumalikaga, loli i Lisyu Lyangu litisakutoligwamo siku.” Polelo, ikyo kyo kindukimo iki kyo kisisimikisīgwe. Linga ugwe kulōnda ukwingīmisya gwīmwēne, kīmīsyā i Lisyu lila mu ndūmbūla yāko.

⁹⁵ Davidi āyobīle umwēne āfisile Ilyēne mu ndūmbūla yāke, ukuti umwēne akābagīle ukutulwa inonogwa. Umwēne āsimbīle indagilo Syāke pamwanya pa liyēngo lya kitala, nukugapinyilila agēne ku fiboko fyāke kangi palipōsa, ukubīka i Lisyu Lyāke bwīla pankyēni pa mwēne. Iyo yo njila. Kyūnga ilinogonelo lyāko kingikingi. . .

⁹⁶ Kyāla ālimbūlile Yoshua, “Komma ukusanukila ku kililo pamo kukīmāma, ukufuma ku Lyēne. Polelo ugwe kwisakupela injila syāko ukuya syabukabi. Polelo ugwe ugwe kwisakuya nu buponjoli ubununu.”

⁹⁷ Kangi akabalilo kāko ikipānga kyōsa kikwībūngānia kyēne palikimo ukusōkāko ku fimanyisyo fyāke, kangi pamwanya pa Lisyu lya Kyāla, polelo i kipānga kisakuyaga nu buponjoli ubununu. Ikyo kisakutwāla ikindu iki kisakukanyila panja ikikomyunisti.

⁹⁸ Fyo fiki fyāpelile ikikomyunisti. . .? Kikīndu kilakila, umwe mukwīnogōna “ikikomyunisti,” akabalilo kāko abēne bikubalania isyandyāli syābo, kangi bikubāla nakalinga fiyo, mma miliyoni, kangi abāndu bali nulutēnde isya ikyēne: ukuti ikikomyunisti kisakusima nukufwa. Ikyēne kikufimbilisīgwa ukuya mūmo. Ikikomyunisti, abēne babagīle ukubōmba *iki*. Abēne babagīle ukubōmba *ikyō*. Une ngwītīka Kyāla isakubōmbēla ikyēne, lōli, uko ko kutalusya, itolo bo Umwēne ābōmbīle Nebukadnezara. Umwēne isakulūndusya pānja, i—i—i. . .bōsa aba ndūlwe, panja, ni kikomyunisti. Lōli, ikyo. . .Umma, fingi fiyo ifya ikyo. Lōli, kēta. Lōli ikīndu, kikomyunisti, kisa kuya nu bumalikisyo. Kikomyunisti kisa kwisa kubumalikisyo bwāke.

⁹⁹ Lōli i Lisyu lya Kyāla likaya nu bumalikisyo, panongwa yakuti Ilyēne likāli nabo u bwandilo. Ameni. Ilyēne lyo Lyasyēpwa na Kyāla. Kangi linga ugwe ukimisīgwa, kangi i Lisyu likimile mwa ugwe, ugwe gwe Gwasyēpwa ni Lisyu. Ameni.

¹⁰⁰ Ikyēne kibagīle ukwīsa ku bumalikisyo bwāke. Ifīndu fyōsa fila fikusenyendeka. Sikaya nimbombo bo bunywāmu buki abene bikuyēnga imbānda, iyēne yikugwāga pāsi. Fyōsa ifīndu ifi fikaya fya, fikulwāna ni Lisyu lila, pamo filekēne ku kyēne, fisakufimbilisīgwāga ukusema. Ikyēne kisakufimbilisīgwāga ukupa ubuyo, panongwa yakuti i Lisyu likwīsa nubupōnjōli.

Kikayapo nakimo kibagile ukwimika Ilyene. Kyala abobile ayobile lulo.

¹⁰¹ Akabalilo kako Umwene ikuyoba Ikyene, kumwanya na pasi fisakumalikaga, loli Ikyene litisakumalikamo siku. Fisa i Lisyu lila mu ndumbula yako, akegelo ka Lisyu lila nukulileka Ilyene likulegey. Kyunga Ilyene mu linogonelo lyako, bwila, panongwa yakuti Ilyene litisakutoligwamo siku. Lisyu lya Kyala litisakutoligwamo siku, panongwa yakuti Umwene ayobile Ilyene litisa. Popapo uswe tukulonda ukukyunga ikyene pa ikyo.

¹⁰² Lilino, Pauli ayobile, mu Masimbo, ngati ukumanyisa unsikali, unsikali ku kogo kamo. Lilino, unsikali ikufimbilisigwa ukumanyila utogo twa fyake...utwa lupembe pamo ingangabwite. Umwene akamanya linga ingangabwite yikubuka, yikukuba, kali uku—ukubuka nkyeni pamo ukugomokelo nyuma. Linga umwene atikumanya ubukindane, lo luko luki ulwalufuluganio lwa babwite ugwe kwisakuyaga nalo? U ndugu naloli ikuponjolaga pamwanya pa kibugutila kya basikali aba bakamanyisigwe kanunupo ukukinda ikyo. Amen.

¹⁰³ Ikyo iki kitamisyeye ni fipanga fitu umwisyugu. Uswe tubamanyisye abene pa fimanyisyo, ukukindanisa kimo ukufuma ku kingi.

¹⁰⁴ Uswe tukufimbilisigwa ukuya yumo. Uswe tukufimbilisigwa ukumanya ingangabwite. “Poleli yo yiliku ingangabwite?” abene bikuyoba. I ngangabwite ya Nongwainunu, iyo yo Yene. I Lisyu lya Kyala gwabumi lya Ngangabwite. Komma ukufulugania nakimo ni Lyene.

¹⁰⁵ Komma ukumpela yumo ukukuba ilipango lya kiFrenchi, kangi uyungi ukukuba u lupembe. Nayumo ikumanya ikyakubomba. Ikyene kikutwala ulufuluganike.

¹⁰⁶ Kangi Pauli ayobile isya kumanyisa u nnyambala ku kogo. Kangi itolo bo mumo akogo kala kali, umwene ikumanya katikati ikyakubomba, panongwa yakuti ugwalupembe ali ni ndagilo, kangi ukufuma kwa kapitao umwafyale. Kangi akabalilo kako umwene ikukuba ingangabwite yake, isikali yikumanya katikati itolo ubuyo uku—uku buka nkyeni kangi kuko ukugomokela nyuma, kangi kali ukusanukila kukililo pamo kukimama, pamo ikyakubomba, ukwisila mu kukuba ingangabwite yila.

¹⁰⁷ Lilino, ababwite, ubwite, ikyene kyo bwila bwali bwite. Uswe tukalingilemo siku i Kipanga, pamo ukwisa n’Kipanga, ukwisa ku lusale. Uswe tukufimbilisigwa ukusyagania uswe tukwisa ku ngunda gwabwite.

¹⁰⁸ Une ngisamo siku ukuti abandu pa mbumbutege pa nyuma nukuyoba, “Nkundwe Branham, ugwe mundu nnyafu.” Umma, nkulumba. Une nisile pala ni kisingo mfwela. Une ndikulondigwa ikisingo panongwa ya ikyo. Une nisile ni kitili

kangi ifyamungongi. Une nīsile ukulwa, ukulwīla inchi yiliyōsa ya mfu.

¹⁰⁹ Kyāla alinkumbula Yoshua, “Ubuyo bosa ubu ikitende kya kilundi kyako kikukanya, apo Une ngupele ugwe.” Popāpo, ifikato fyanusyaga ubwenenakyo.

¹¹⁰ Kangi akabalilo kāko i kipānga kikufika ku buyo, ikyēne kikulekako ni fimanyisyo, kangi kikulekako ni Lisyu, kangi kikulekako ni kīsu, une ngusanusya, polelo ikyēne kikutāga u mfu. Ikyēne kikunyaka kāngi.

¹¹¹ Iki tukufūmbwa ikilo iki bo basikali ukupoka ulufīngo lulilōsa Lwafyakyāla ulwa i Bāngéli ili, ulu Kyāla āfīngile ku Kipānga, ifyākufwāla-nsikala fyōsa ifya Kyāla, kangi u kwīma. Ikyēne kyo iki uswe tukufūmbwa, abasikali; komma ukwēga i yunifomu ya kukya kwa kufwāla, ikyēne kyo akabalilo kōsa kikīndāne. Akabalilo kāko u nnyāmbāla. . .

¹¹² Ikisu kilikyosa, uswe tuli na batendeli ukubalanila nkisu kyosa. Uswe tuli na batendeli ba kiJeremani kuno. Uswe tuli na batendeli ba kiNgereza kuno. Uswe tuli—uswe tulu na batendeli kwisila mu England. Ngimba fyo fiki abene bikulonda ukubomba? Abene bikugela ukusyagania lo luko luki lwa findu, lulo luki ulwa kipufulilo, ikingi kili nakyo. F.B.I. ali kifuki mu kisu kilikyosa. Abene bikuketesya, ukuketa. Umo mo mumo abene bikuyila bumi. Abene bikuketesya nukuketa lo luko luki lwa kipufulilo uyungi ali nakyo. Polelo abene bikwisa pala nukutendeka ikyene kinunupo panini, pamo ukutendeka ikindukimo ikyakubotesya ikyene. Abene batikusubilana yumo nu nnine, m’fisu, panongwa yakuti ikyo kikinangisya ukuti ifisu fikuseniyendeka. Fiki, England abagile ukupufula uswe mosa, mu sala yimoyene, linga uswe tubagile ukukilania injila syitu, pamo uswe tubagile ukubapufula abene mosa. Itolo kikwegela yumo ku ntu gwa kindu kumwanya kula, ukwega ikyakunwa pamo fibili, twingi fiyo, pamo ukugwila pasi ni kindukimo, kangi polelo panja ikyene kikubuka.

¹¹³ Kuno pakaya patali mma, abene bayobaga, akayabo akanini aka findu, “Kitendekigwe mu Japan,” nkabalilo ka bwite. Abene bakisopelaga ikyene pa kipalo, nukusyungutila, ukuya basubiligwa. Kangi lilino ugwe kwisakuhomba utengo unywamupo panongwa ya kyene ukukinda kalikosa ugwe kula nkisu. Ngimba kyabonike kyo fiki? Ngimba kila kikuhomba ukugomosya ubumi bwa balumiana bala aba bafwile kwisilia kula? Naloli umma.

¹¹⁴ Ngimba ikyene kyo fiki? Une ndikupasya kali ugwe kulwila mu findu fyakupalamasigwa, ugwe kukinda, ikyene kitisakusanusya ni kindu nakimokyene. Ikyene kisakuseniyendeka. Loli kulilpo ululwa kumokwene uku ugwe ubagile ukubukamo nukukaba ubuyo ubu bukabagila ukwegigwamo siku ukufuma kwa ugwe. Ako ko kogo ka

Nongwainunu ka Ngangabwite ya Lisyu lya Kyala, kangu upokile ifikungilwa ni fingo isi Umwene ikupa ku Kipanga. Naloliloli sili. Lilino, uswe tukwaga—uswe tukwaga, ukupa akogo ka ngangabwite iyi.

¹¹⁵ Lilino, ikisu kilikyosa kikugela ukufwika abalumiana babo ni finunu ukukinda ifya kwiponesya ifi abene babagile ukuya nafyo. Lilino, une mmenye, utubalilo tumo ifyabwite ifi fikaya fipepe ukupimba.

¹¹⁶ Linga une nali nu nkundwe, “Rookie,” abene bankolelaga umwene, ikubuka panja pala, kangu abasikali bakumpa umwene ikilundu kya mapauudi malongo mahano-na-mana pa nyuma yake. Kangu ikyo kyo kifuki bo mumo umwene ayilile ubusito. Abene bakumpa umwene ifosyolo, ukukumbila ikibwina; indusu, kangu ikubugutula kyosa ikya fyakupupulila fyammaboko. Kangu, o, une ngakibonamo siku ikilundu bo kila! U mpelakisa unnini umwiniti kifuki ukutoligwa ukwenda. Kangu abene balinkummwegela ukusuluka pa nsebwe ku buganje bwamamailosi-mahano. Ikyene ngati kingoge umwene. Umwene alinkuti, “Ngimba ikitoyofu iki kyafiki? Ndimba une fyo fiki ifi une ngufumbwa na iki ikinywamu ikyaiyolo ikikulumba ikitili?” Lilino, keta. Ababwite bamenye umwene ikukifumbwaga ikylene akabalilo kamo. “Ngimba une ngulonda fiki ni fyosyolo, panja pa nsebwe gwakwenda, ngwenda?” Kinunupo yaga mwisibile ukubombela ikylene. Ugwe ubagile ukukifumbwa ikylene.

¹¹⁷ Isikali yitisakupa ikindu nakimo mpaka ugwe umenye... abene bamenye ugwe kuyaga pakufimbilisigwa ukubombela ikylene. Ugwe kufimbilisigwa ukumanyila pa kyene. Abene bikwaga ifindu ifinunu ukukinda ifi abene babagile ukufyaga, ukukuponesya ugwe nakyo, panongwa abene indumbula yabo yili pa kisu. Abene indumbula yabo yili pa ugwe ukuya usingigwe mbununu ukukinda mu ugwe ubagile, ukufuma ku fipolopolo. Ikyo kyo bwila mo kiyilile.

¹¹⁸ Ikyene kyalyandile mu ngunda gwa Eden. Kangu Kyala ikumanyisya i Kipanga Kyake. Kangu i . . .

¹¹⁹ Ugwe umenye, uswe akabalilo kosa tukufimbilisigwa ukubomba kanunupo. Lilino, indege isyaiyolo uswe twalisibile ukubombela kunyuma mu Bwite Bwakwanda Bwakisu; u Bwite Bwakibili Bwakisu, fiki, tuli utunini utukong’ondelo mmwanya twali tosa panja, akabalilo kako abene babikile panja igi imindege iminywamu iminunu abene bali nagyo. Fiki, isyene syali nakimo. Kangu lilino, sila sisyo abene babombile itolo mbwite ubu bwakindaga, lilino isyene simalike. Abene batikusifumbwa isyene kangu mma. Abene bali na majeti. Kangu, muketile, ugwe gwe akabalilo kosa kugela ikwinuka, ukwinuka pa kindu kya kwiponesya.

120 Loli ugwe umwene fiki? Kyala atikulondigwa ukwinukako. Kyala ali na bana Bake, ababwite Bake, ikindu ikinunu ukukinda kilakila iki kyabagile ukupigwa ku bene. Akabalilo kako Umwene ikupa ku bene, ngimba fyo fiki ifi Umwene abapele ku bene? Umwene ampele Ilisyu Lyake ku ngunda gwa Edeni, kangu u mundu abagile ukwisinga mwene kunyuma ku Lisyu Iya Kyala, kangu nu mohesi nayumo abagile ukummwaga umwene. Syala mu Lisyu.

121 Lilino, untendeli gwa ndugu, Setano, agelile ukusyagania iki abagile ukubomba ukubongotolela nkati mula. Popapo umwene—amenye umwene itolo akabagile ukwisa panja nukusyoba umwene, popapo ikindu kyene iki umwene abagile ukubomba ko kummwegela umwene pa bwinogonelo. Kangu ikyo kyo Kyala ikukubombelaimbombo ugwe, ukuponesya Ikipanga Kyake, Iyo Lisyu Lyake. Kangu Setano ikwisa na maka ga bwinogonelo. Setano amenye yila yali yo fwasi. Bula bwali bo buyo ubu abandu babagile ukubongotola kipepe ukukinda, bwali ku bwinogonelo.

122 Ugwe kuyoba, “Lilino, unko une itolo n̄nogon̄ele na ugwe. Lilino ngimba ikyene kyākulōndígwa?”

123 Linga Kyāla āyobīle ikyēne kyāli kyākulōndígwa, ikyēne kyo kyākulōndígwa, kali uswe tukufimbilisígwa ukukūta, kangu ukukoloma, nukubōmba kyōka *iki*. Linga Kyāla āyobīle ukuti u lōsyo Iwa Mbepo Mwīkēmo lukulōndígwa, une ndikupāsyā kali Ikyēne kisito bulebule, kangu bu bwīngi buki bwa kīsu ugwe kufimbilisigwāga ukuleka, ugwe kuyaga pakufimbilisigwa ukukibōmbēla Ikyēne, limo mwa masiku aga, ukwitūgāla mūmi. Injila yēne yakuyīla mūmi.

124 “Lilino, ngimba uswe tukufimbilisígwa ukubōmba ububūmbulusyo Lwafyākyāla, napāpo uswe tuli nabo abagānga abanunu ukukinda nkīsu?”

125 Kyāla ākupēle ugwe ububūmbulusyo Lwafwakyāla 'nongwa yakuti Umwēne amenye ukuti ugwe kufimbilisígwa ukubōmbēla ubwēne. Umwēne ākupēle ugwe ifikūngilwa fya Mbepo.

126 Kangu bo nakalinga bo Sētāno āfikile ukusyūngutīla Eva, umwēne alinkwānda ukwinogonēla nu mwēne. Lilino, “Naloliloli, naloliloli, Kyala akabagila ukubomba *ikyo*.”

127 Abāndu bikuyoba umwīsyūgu, “Kukayako ikindu nakimo bo gehena.” Bīngi ba abēne bikukubūla ugwe ikyo. Muketile? “O, naloliloli Kyāla akabagīla ukōkya abana Bāke.”

128 Nalōlilōli, Umwēne atikōkya abāna Bāke. Lōli u mōhēsi isakōkya, abāke. Guli mwāna gwa ywāni ugwe? Ikyo kīndu iki kikukōnga. Gehena āpelīgwe kuli u mōhēsi na bāna bāke, komma a bāna ba Kyāla. Komma na yumoywēne isakubūkako kula. Uko ko kotalusya. Ikyēne kikwēgēla ukuti ugwe gwe mwāna gwa ywāni.

¹²⁹ Lilino, Kyāla āpele Eva na Adamu i Lisyu Lyāke, kangi Umwēne akāndulāmo siku Ilyēne. Umwēne akabalilo kōsa āli...U Nkristi, pamo u mwītiki, u Bwiponesye bwāke lyo Lisyu.

¹³⁰ Kumwanya na pāsi fisakumalika. Ikimanyisyo kilikyōsa kisakumalika. Ikipānga-kipāgūke kilikyōsa kisakutologwa. Iksu kilikyosa kisakumulwa. Lōli i Lisyu lya Kyāla lisakwīma, Bwīlanabwila. Pisakuyapo akabalilo pāpo i ndondwa yakulubūnju yitisakumulika kangi mma. Pisakuyapo akabalilo kāko ilisuba litisakumulika, kangi umwēsi gutisakumulika mma, kangi ikisu kitisakusyūngutila mu busyungutile bwāke mma.

¹³¹ Lōli i Lisyu lya Kyāla kwabwīlanabwila lisakusyāla mulamula. Ena. Ikyo kyo kindukimo iki kikabagila ukugutīgwa, ikindukimo iki ugwe ubagīle ukusūbilāpo. Ulyēne lyo lisisimikisyi. Kyala ikuyoba kilikyosa, ikyene kyo kisisimikisigwe ukuboneka.

¹³² Linga Umwēne āyobīle, mu ngunda gwa Edeni, panongwa ya Ntabuli, Umwēne ābagīle ukutuma u Mesiya, ikyēne kyāli kisisimikisigwe ukwīsa. Palema nalinga ifyinja maelifu mana- abēne bāgūlile, lōli Umwene āfikile pala. Umwene afimbilisigwaga ukwīsa panongwa yakuti ikyene kyaali Lisyu ilifingigwe lya Kyala.

¹³³ Kyala āfingile ukuntuma Umwēne ukugomokela kangi. Umwene ikubombaga apa. Une ndikupāsyā bo balinga abasitakyāla na bilāmwe bikufyūka, kilikyōsa iki abēne bikubōmba, bo bwīngi buki ikikomyunisti kikubāla, Yeso Kristi isakwīsa, kangi isakwēga i Kipānga iki kyo kisukīgweni-Lilopa, kangi isakwēga Ikyēne pa butoge-bwa-mmwanya ukubūka ku Mwānya. Fiki? Ikyēne kyo kisisimikisigwe ukuya. I Lisyu lya Kyāla lyāyobīle lūlo.

¹³⁴ “Linga ugwe ubagīle ukwitika, ifīndu fyosa fibagīle.” Ikyo kyo kisisimikisigwe. Kyāla āyobīle lūlo, kangi ikyēne kikabagila ukusema, kikabagila ukusenyendīgwa nukusosigwāpo. Kyāla āyobīle lūlo, linga ugwe kwisa itolo ukusyāla nakyo ikyene (Lilino. . .) kangi yaga nu lwitiko mwa ikyene, itikaga ikyene.

¹³⁵ Akēne kakaya kōgo akasitakusisimikisigwa. Kyāla akabagila ukupa a kōgo akasitakusisimikisigwa. Ifimanyisyo fibagīle ukupa a kōgo akasitakusisimikisigwa. Ifipānga-fipāgūke fobagīle ukulūmbilila a kōgo akasitakusisimikisigwa. Lōli Kyāla akabagīla ukuyoba a kōgo akasitakusisimikisigwa. Kangi i Lisyu ili lyo Kyāla. Kangi ubwēne bukayapo ubusitabusisimikisigwe ukufwana ni Lyēne. Ilyēne lyo akapatu kalikōsa lisisimikisigwe.

¹³⁶ Lilino, i Kipānga ikikulumba lifwīkīgwe ifilwīlo ni Lisyu. Lilino, akabalilo kako Yeso ikwisa, ngimba Umwene ābōmbīle ikilwīlo kilakila? Umwene naloliloli ābōmbīle.

137 Akabalilo kako Sētáno isile ku Mwēne, mu maka gake gōsa, kangi umwēne alinkuti, “Linga ugwe gwe Mwanundumiana gwa Kyāla, bōmba *ikyākuti*, *ikyākuti* ikīndu.”

138 Umwene ātile, “Ukwene kusīmbígwe...” Ukugomokela kulakula ku Lisyu. Sētáno ālingelile Umwēne pamwanyapo panini. Lōli, Yeso, kulakula ukugomokela ni Lisyu, “Ukwēne kusīmbígwe...”

139 Pala Umwēne āsyéle, pa Lisyu lila, ukunāngisya kwa uswe *ikyākwegeléla*. Mūmo Umwēne āyobile mu Bakorinti Gwakwanda, *ikyākwānda*...Yohani Mwikemo 14:13, “Une mbapēle umwe *ikyākwegeléla*.” Kangi ikyo kyo *kyākwegeléla*, iki uswe tubagile nubusisimikisyo, uswe tukufimbilisigwa ukubika ulusūbilo lwitu mu Lisyu lya Kyāla. Unko kilikyosa ikingi kiyēge busyōbi. [Ubuyo busitakandu pa tepi—Nsimbi.]

140 Ikīndu kimokyēne kila iki kyo kisimikisye. Kyāla ātēndike ulufingo. Kyāla ikuyaga pakukyūnga u lufingo. Abēne bikuyōba, “Ngimba kibagile bulebule ikīndu *iki* ukuboneka? Ngimba abagile bulebule Umwēne ukwēga ikibugutila kya bāndu palikimo, ni lipyāna lya Kunyakiligwa, ukubūka mmwanya?” Une ngamanya mūmo Umwēne isakubōmbéla *ikyēne*. Iyēne yikaya mbombo yāngu ukulālūsya mūmo Umwēne ikubōmba *ikyēne*. Iyēne yo mbombo yāngu itolo ukuya mwītendekésye ku kyēne. Umwēne āfīngile *ikyēne*. Ikyēne kisakuboneka. Āsyūngutile i Kipānga Kyāke ni Lisyu.

141 Kangi ikīndu *kyākwānda* kyāli bwīnogonelo. Lilino abēne bikuyoba, “Ngimba *ikyēne* kikaya itolo *kyakwinogoneligwa* lilino, linga une ngwingila ikipānga *iki*, ngimba *ikyēne* kikaya itolo kinunu bo ikipānga *kila*?”

142 Kilipo kyēne i Kipānga kimokyēne ugwe ubagile ukuyako mwenekaya. Ugwe utisakwīngilámo *Ikyēne* siku. Ugwe ubagile ukwīlūngisya kubugonelo, kubugonelo bwa Methodisti, kangi kubugonelo bwa Presbeteri, kangi kubugonelo bwa Baptisti, kangi kubugonelo bwa Pentekosti. Loli ugwe upāpígwe mu Kipanga kya Yeso Kristi, popāpo pala kilipo i Kipānga.

143 Ifyo fyo fyakugonelámo, kūko abāndu bikwīsa palikimo, ngati bākihóbe bitūgésye pa lusāmba *ulu*, kangi ingungubiya pa lusāmba *ulu*, kangi—kangi fyōsa bo ifyo. Ubo bo bulilani bwīnu umwe mukuya nabo palikimo, akabalilo kāko umwe mukuyabana pa bulilo bumobwēne bulabula.

144 Lōli akabalilo kāko *ikyēne* kikwīsa ku Kipānga kya Yeso Kristi, gulipo unsebwē gumogwēne itolo. Ubo bo Bupāpígwe. Bupāpígwe!

145 Ikyēne kili itolo ngati u mūndu, mūmo une njobile utabalilo twīngi, ngati i njuni indītu yitūgésye pa lusamba, yikugela ukubika amayoya ga ngukundembo mmapiko gāke, nukuyoba, “Umwe muketile, une ne ngukundembo yakwitufya.” Muketile? Umwēne āsomikémo amayoya gala, mwēne. Linga umwēne āli

ngukundémo iyanalölilöli, ikipeligwa kyäke ängáli kikubíkigwa pänja uluko lüla lwa mayoya.

¹⁴⁶ Linga i Kipänga kya Kyäla gwäbúmi kyo Kipänga kya Kyäla gwäbúmi, Ikyéne kisakufwála i Lisyu lya Kyala gwäbúmi. Ugwe utikufimbilisigwa ukuya na mayoya ga ngukundémbo napamo palipösa. Kangi iliyoya lililyösa nkati mula lisakulungisigwa ku ngukundémbo. Ugwe ubagile ukwítika ikyo. Kangi iliyoya lililyösa ili lilungisigwe nkati Nkipänga kya Kyäla kisakuyaga Lisyu lya Kyäla. Umwene atisakwíngisyámo siku ikindu kilikyosa ikíngi loli i Lisyu. Ameni. Panongwa yakuti, ubupeligwe bwa Mbepo bukusösyá pänja lyéne li Lisyu. Ameni. Une ngufikapo ukwípilika ubwípúti. Kotalusya.

¹⁴⁷ Komma nakimo ugwe kugela ukubömba, nakimo ugwe kuténdéka. Ugwe ukubagila ukuténdéka ubwípi-. . . Ugwe ukagagila ukuténdéka ubupoki. Ugwe ukabagila ukuténdéka ifiküngilwa. Ugwe kufimbilisigwa ukupäpa ifiküngilwa. Nalölilöli. Muketile? I—i ng’osi sitikubömba, umwéne atikuténdéka ulusyöya. Umwéne ali nalo u lusyoya panongwa yakuti umwéne yo ng’osi. Umwéne itolo ikupäpa ulusyöya. I—i—i kipiki kya litúnda litikuténdéka ilitúnda mma. Ikyéne itolo kikupäpa ilitúnda, panongwa yakuti ubúmi bwa ikyéne bo buli njila yila.

¹⁴⁸ Kangi i Kipänga kya Kyäla gwäbúmi atikwíngisya Iki, ukugela ukubapela abéne ukuboneka ngati kindukimo. Abéne batalile bali iki abéne bali, ukwisila mu lipyána lya Kyäla. Kangi i Lisyu lya Kyäla lilungisénie na bène, kangi abéne balungisénie ni Lisyu. Kangi i mbombo iyi yätwálígwe pänja na yula umpelesye yula, Yeso Kristi, Kyäla abonekile mu mbili yisakwítwála yéne ukwisila mwa mwítiki aligwésa umpápígwekabubili. Umwene ayobile lülo. Ameni. Nakimo ikingi. Lilino, ikyo kyo kindukimo ikisisimikisyi.

¹⁴⁹ Lilino, ikyéne kikuyaga paníni—paníni kyakufuluganika ku nnyämbála yumo, linga umwéne akámenyémo siku akögo kanalöli ka ngangabwíte. Lilino, u nnyämbála uyu akamanyisigwámo siku ku ngangabwíte yila, kangi akayipilikámo siku iyéne, mulimösa, umwéne abágile ukuya paníni gwakufuluganika akabalilo káko umwéne ikupilika ikindukimo kikupa akögo akakíndáne ukufumu ku iki umwéne apilike. Umwéne akabalilo kösa apilike, “Ingila i kipänga. Ega kalata gwáko kubwa *kuno* kangi kubwa *kuno*.” Ifyo fyo fibagile ukuya losa finunu. Ikyo kyo kyosa umwene amenye.

¹⁵⁰ Löli polelo akabalilo káko ugwe kubüka ukugomokela, isya lösyo lwa Mbepo Mwíkémo, ukuyoba isya maka ga Kyäla kangi ifindu ifi Umwéne ikubömba; kangi mümo ikyene kikupela abanyambala na bakikulu, bösa, ukwísuka bène mösa ukufuma ku bümi bwa butulwanongwa; mümo ikyéne kikubapela abéne ukwénda nubunyakyála, nubwáanaloli-ndumbula. Kangi

i findu ifi ikyēne kikubōmba, kangi kikutwāla pānja u lōsyo, ukuyobela mu ndimi, ukubūmbulusya ababine, ukukāgila pānja imisyētāno, ukusolola, ifikūngilwa, o, imboniboni, kilikyōsa mu Kipānga. Haleluya! Uko ko kutalusya. Akabalilo kāko ikyēne kikubōmba, polelo ikyēne kyo kili panine kyakufuluganika ku bēne aba bakapilikāmo siku uluko lula lwa ngangabwīte.

¹⁵¹ “Mulimōsa,” ugwe kuyoba, “ikipānga kyāngu kitikumanyisya ikyo.” Polelo ikyēne kitikukuba i ngangabwīte ya Nongwainunu. Lwimiko! Kutalusya.

¹⁵² Lōli ku bala ababwīte abamanyisigwa, haleluya, akabalilo kāko abēne bikupilika ngangabwīte yila yikukuba, abēne bamenye akīmilo ndubātiko. Nkyēni, bābwītw Bakikristi! Lwimiko! O, ikyo kyo kisitimikisyi!

“Ngimba ugwe umenye bulebule ukuti ikyo kyo nsitimikisyi?”

Ikyene kili pa Lisyu.

“Mulimōsa,” ugwe kuyoba, “ikipānga kyītu kitikumanyisya Ikyo.”

¹⁵³ Lōli ngangabwīte yikukuba Ikyēne. Une ndikulōnda ukumanyisigwa ku kimanyisyo kya kipānga, ’nongwa yakuti ikyēne kisakusenyendeka nukugwa. Loli linga ugwe gwāfundigwe ku Lisyu, kumwanya na pasi fisakumalikaga, kangi i Lisyu ili litisakumalikāmo siku. Ikimanyisyo kilikyōsa, kilikyōsa ikingi, fisakugwa. Lōli i Lisyu ili litisakutoligwāmo siku. Amen. Ako ko kōgo. Ako ko kōgo une ngulōnda ukupilika. Ena, nkulumba.

“O,” ugwe kuyoba, “ngimba une ngumanyaga bulebule?”

¹⁵⁴ Yeso aatile, “Ing’osi Syangu simenye akōgo Kāngu. Isyene simenye ukuti ngangabwīte Yāngu.” Umwēne alinkuti, mwa Mwikemo Yohani, untu gwa 14 kangi ilinandi lya 12, “Umwene uyu ikwitika mwa Une, imbombo isi Une ngubomba isakubombaga yope.” Lilino, Umwene āyobile ikyo.

Linga umundu ikuti, “Mulimōsa?”

¹⁵⁵ Bahiburi 13:8 āyobile, “Yeso Kristi yo yuyo mmayolo, umusyugu, na bwilanabwila.”

“O,” abene bikuyoba, “mu njila yimo.”

¹⁵⁶ Lilino, ing’osi yanalōLi yisakuyoba, “Uu-o. O, ikindukimo kikūtīla, nkati mula. Ikyo kitikupilikigwa kitalusye. O, ulo lubagīle ukuya lupembe lwa kiFrenchi. Iyo yikāli yo ngangabwīte, ’nongwa yakuti i Bāngéli likupa akōgo aka kakaya kasitakusisimikisigwa.”

¹⁵⁷ Ilyene likuyoba, “Umwe mwisakwambilila Mbepo Mwikemo.” Komma, “Umwe mubagile.” “Umwe mwisa, aligwesa.” Bo butali buki? “Ku bāna bīnu, kangi ku bāna ba bāna, kangi bāla bābo balikubutali fiyo, kangi na bubwingi bwa

babo Untwa Kyala gwitu isakubakolelaga.” Umwēne isakukuba ingangabwīte mu luko lulilōsa kangī mu ngulilo yiliyōsa, kangī abēne bisakupilika i Lisyu Lyāke. Abēne bisakwītika Ilyēne, bala bābo basayigwile ku Būmi. Amenī. Abēne bisakwītika Ilyēne panongwa yakuti abēne bikumanya Ilyēle lyo kōgo ka Nongwainunu kakakuba. Akēne kakaya kasitakusisimikisigwa. Ugwabwīte aligwēsa amenye akīmīlo.

¹⁵⁸ Lilino, umwe mumbwēne Peteri, na Yohani, Yakōbo, kangī ikipānga ikyakwānda, kikukya nkyēne mu njila iyi, panongwa yakuti ingangabwite, Yeso, āyobile, “Buka umwe nkisu kyosa, ukulumbilila i Nongwainunu.” Mariko 16, keta, “Ifika ifi fisakukongaga abene aba bikwitika.” Uswe tukukēta Peteri, Yākōbo, Yohani, abangi ba bēne bigolosya, bikukuya ku Kala.

¹⁵⁹ Kangī uswe tukusyūmbutuka injila iyingi, ukusōkako ku Kēne? Yumo ukubūka nkyēni, uyūngi ikubūka kunyuma? Yumo ikuyoba, “Mulimōsa, ikyo kyāli kuli yīngi. Ako, ako—ako akōgo, kāli kuli iyīngi.” O, umma. Akēne kakabagila ukuya ako.

¹⁶⁰ Ababwīte bōsa ba Kikristi bikupilika ingangabwīte. Kyāla āyobile yila yāli yo ngangabwīte yila. Umwēne akabagila ukwāndula iyēne. Ako ko kōgo aka Umwēne āyobile ukuti kisakukubilāga. “Iki abanyāmbala bōsa bisakumanyaga,” kangī ukusōkako kikubūka i Kipānga.

¹⁶¹ Bamo mwa bēne batikwītika mu Kwīsa Kwāke ukwanalōlilōli. I Bāngēli lyāyobile Umwe isakwīsa, popāpo uswe tukulōndēsya ku Bwīsilo Bwāke. Linga Umwene akaya apa ikilo iki, uswe tukukētaga ndubunju. Linga Umwēne akaya apa ndubunju, uswe tukukētaga kilabo nkilo ku Mwēne. Kangī uswe twisakūmilisya ukulōndēsya. Linga uswe tukugona utulo, ifyītu—ifyītu. . . uswe tukilāmbika paitolo mma. “Kabuno ingangabwīte ya Kyāla yisakukuba ingangabwīte ya bumalikisyo yila, kangī abafwe mwa Kristi bisakusyūka. Kangī uswe twe tuli būmi kangī tukusyāla twisakunyakiligwa mmwanya palikimo na bēne, ukwakwāgana nu Ntwa mu mbepo, kangī bwilanabwila twisakuyaga kula.” Ako ko kōgo ka ngangabwīte. Kali une nguya mūmi pamo kali une ngīndīle, kitikupela ubukīndāne bulibōsa. Une nisakupilika akōgo. Une ngwisa kusumukaga. Lwimiko ku Kyala! Syūka. Oko, ena. Ena.

¹⁶² Yeso ātile, ukuti, “Ing’osi Syāngu simenye i lisyu Lyāngu.” Umwēne ali Lisyu litēndekīgwe ukwibonesya. Akabalilo kako i . . . Umo mo mūmo i ng’osi Syāke sikumanya Umwene.

¹⁶³ Lilino keta ba Farisai kangī mu lisiku lila. “O,” abene balinkuti, “Unnyāmbala uyu yo Bezebabu.” Akabalilo kāko Umwēne ālimbūlile unkīkūlu yula pa kisiba, kūko, isya mbībi syāke, amalume bāke umwēne āli nabo, akabalilo kāko Umwēne ālimbūlile Natanieli kūko umwēne āliko, pāsi pa mpiki kūko Filipino ālimbilikile umwēne, pānja pāsi pa mpiki gwa mafilu, ukwīpūta, fiki, abamanyisi bala aba lisiku lila balinkuti,

“Unnyāmbála Uyu yo Bezebabu. Umwēne yo mōhési. Umwēne yo ndagusi.”

¹⁶⁴ Lōli ikyo kikāli lūlo na Peteri, Yākóbo, na Yohani, abāngi ba bala. Abēne bakamenya akēne. Fiki? Abēne bāmenye ukuti Kyāla āyobile ukuti akabalilo kāko u Mesiya isakwīsága, pāsi pa lisyu ilipakígwe ilya Mōse, Umwene isakuyaga nsololi. Kangi akabalilo kāko abēne bakētīle ifindu fila ifi Umwēne āyobile fikubonesígwa nukupeligwa fipelelesye, abēne bāmenye kila kyāli kyākulya kya ng’osi. Abene bamenye yila yāli ngangabwite yila. Kangi abene balinkuyikōngésya iyēne. “I ng’osi Syāngu simenye akēne,” ’nongwa yakuti abēne balibwēne i Lisyu lya Kyāla likubonesígwa.

¹⁶⁵ Lilino, abāndu umwīsyúgu, abēne batikwītika kiliko ikindu kimo bo u lōsyu lwa Mbepo Mwikémo. Gwilága nkati muno pamo kubuyo bumo kūko abēne bali nagwe Mbepo Mwikémo, kangi abēne bikulubóna ulufīngo lwa Kyāla lukufwanikisígwa itolo katikati, fiki, “I ng’osi Syāngu sikupilika ilisyu Lyāngu.” Isyēne simēnye akōga ka ngangabwite yila panongwa yakuti akēne ko i Bāngéli. “Yeso Kristi yo yuyo mmayolo, umwisyugu, na bwilanabwila.” Umwene akāli yo Bahiburi 13:8, katikati.

¹⁶⁶ Une ndikupāsya, lilino, ikyēne kitikupéla nakapatu kamo aka bukīndáne syo mbēmbē silinga isya fipānga sikupūta. Uswe tuli ni filūndíko fya mbembe syākukubakuba sya fipānga, umwe mumenye, sikukuba ukusyūngutíla kilikyōsa, sikuyoba, “O, amasiku ga fika gakīndíle. Kukayako nu kīndi kimo bo bubūmbulusyo Bwamwakyāla.”

¹⁶⁷ O, ing’osi yānalōli sitikupilikila ikyo. Lōli isyēne sikupilikisya ku ngangabwite, yila iyakōngeléla.

¹⁶⁸ Yila imbembe ya kipānga yibagīle ukukuba kalikōsa. Ugwe ubagīle. . . Kēta iki ikyēne kili nakyo umwīsyúgu, imbēmbē sya fipānga. Yimo tikubopela injila *iyi*, kangi yimo yikubopela injila *yila*. Kangi u mōhési itūgésye kunyuma, ikuyoba, “N̄dumiana, abēne bikulwāna yumo nu nnīne. Ikyo kyo kyōsa. Une ndikufimbilisígwa mma nukusemesya ikiboko kyāngu.”

¹⁶⁹ Lōli, nkundwe, unko isyēne syōsa sīse mu ngōngi akabalilo kamokēne, ukugomokela ku ndagīlo isyapamwanya. O, mwe! Polelo ugwe kuyaga pakumbona u “nkyēni, babwite Bakikristi,” kutalusya, komma ukupilikisya ku mbēmbē, lōli ukupilikisya ku ngangabwite.

¹⁷⁰ Unko uswe itolo twīme, itolo ku miniti yimo, nukugomokela nukukēta ku banāndi bamo lilino. Uswe tukwītēndekésya ukwīgála, ’nongwa yakuti une ndikulōnda ukubakyūnga umwe apa akabalilo katali. Lōli unko uswe tugomokele nukukēta ku bámo aba bāpilike akōgo aka. Unko uswe twēge. . . Kangi abēne bāli basisimikísye. Lilino, une mbanāngísye umwe filifyōsa ifīngi fyo fisitakusisimikisígwa. Unko uswe itolo twēge abakine abaiyolo, ku kabalilo.

¹⁷¹ Unko uswe twēge unsololi Yobu. Lilino, unnyāmbala yula ākindilēmo mu lugelo, loli umwēne āmenye ukuti Kyāla alalusyaga ilikemo lya kōkya. Ikyo kyo iki Kyāla ikulōnda, kangi ikyo kyo kyēne Umwēne ālōndāga. Kangi kikāli ni mbombo bo butolwe bwīngi buki bwābonike ku kāya kāke... Kyāla atikubōmba bwīla...

¹⁷² Akabalilo kāko ugwe kukēta ikindukimo kikubūka mbusobi ky mwīnitu yumo, ikyo kitikusanusya ukuti umwēne ikulupulīgwa na Kyāla. Ikyēne kikabagīla ukuti umwēne ali pānja pa bwīgāne bwa Kyāla. Umwēne amēnye indūmbūla yāke kali umwēne ikupilika ku ngangabwīte pamo mma.

¹⁷³ Kyala alalusyaga ilikemo lyākōkya ili, kangi Yobu alinkwima palapala pa lyene. Ikyo kyo kyosa. Abēne balinkuti, “Yobu, ugwe gwe ntulanongwa gwambutītu. Ugwe kubōmba ikindukimo iki kisobi.” Lōli umwēne amēnye kinunupo. Umwēne ālimile palapala pala, panongwa yakuti umwēne āpilike a masyu ga ngangabwīte, kangi umwēne ālimile palapala pala ni kyēne.

¹⁷⁴ Kangi, kubumalikisyo, itolo kulakula ukusuluka ku bumalikisyo, akabalilo kako umwene āli... U mōhēsi ālyābulīgwe pa mwēne, kangi ālyēgile ikikolo kyākw, nukwēga abāna bāke, ālyēgile ingamila syāke, nukwēga ubukabi bwāke bōsa, nukukonyolēla pāsi ubukafu bwāke bwēne. Umwēne itūgasyāga pa kilūdiko kya līto. Kyāboneka ngati kilikyōsa kyākīndile. Lōli umwēne pōpe ātile, “Une mmēnye u Ntabuli gwāngu mūmi. Kulisiku lya bumalikisyo Umwēne isakwīmāga pa kīsu. Palema nalinga ifwīngili syankipapa sikōnānga umbili gwāngu, pōpe mu mbili gwāngu une nisakunkēta Kyāla.” Nakimo ikisitakusisimikisīgwa ukufwana na ikyo, bule kyālipo? Komma, “Une—une—une—une mu luko lumo ngwīnogōna Umwēne mūmi.” Umwēne alinkuti, “Une mmēnye Umwēne mūmi, kangi Umwēne isakwīma pisiku lya bumalikisyo pa kīsu. Palema nalinga infwīngili syankipapa sikōnānga umbili gwāngi, pōpi mu nyōfu gwāngu une nisakumbōna Kyāla.” O, mwe! Ikyēne kyābonike. Umwēne āli nsisisimikisye fīyo.

¹⁷⁵ Abraham, ali pānja ikwendendeka ilisiku limo, alinkumpilika Kyāla ikuyoba, “Abraham, Une nguyaga...” Umwēne ālyāgēne na Abraham bo likāli i Lisyu ilisīmbīgwe, kangi Umwēne alinkuti, “Abraham, Une nguyaga pakupa ugwe umwanundumiana ukwisila mu nkasigo, Sarah.” Kangi umwene āli fyinja malongo mahano-na-kalongo-na-fihano mbukusi akabalilo kala, kangi Abraham āli malongo mahano-na-mabili-na-fihano. Kangi abēne balinkwītēndekesya kuli kyēne, kangi umwēne akāli ni soni ukufumusya. Umwēne amēnye ayaga pakuya nayo u mwānundumiana yula.

¹⁷⁶ Kangi i Bāngēli lyāyobile, “Umwēne akāpepelwikēmo mma ku lufīngo lwa Kyāla ukwisila mu busitakwītīka, lōli umwēne āpepekīgwe lōsa.” Amenī. Apepekīgwe lōsa, ikyo kikusanusya

umwēne ālyāgéne na kifwasyāle. Ameni. Ikyo kyo kyēne. Kifwasyāle yo bumalikisyo bwa nsebwe. Ikyēne kyo kīndu kyabumalikisyo. Ikyēne kyo—ikyēne kyo kyōsa kya ikyēne.

Umwēne āyobile, “Une nsongigwe mosa ukuti, iki Kyala āfingile, Kyala abagile ukubōmba.”

177 Ngimba ugwe, ikilo iki, ngimba ugwe usōngigwe lōsa ukuti uyu yo Mbepo Mwikémo? Ngimba ugwe usōngigwe lōsa, iyi yo njila? Ngimba ugwe usōngigwe lōsa, Umwēne yo Mbumbulúsyi? Ngimba ugwe usōngigwe lōsa ukuti Umwēne ikwīsa kāngi? Ngimba ugwe usōngigwe lōsa Umwēne yo yuyo mmayolo, umwisyugu, na bwilanabwila? -Ameni. Nsongigwe mosa! Ena.

178 Unko uswe tupīmbe uyūngi, Eliya, imile pamwanya pala pa kyāmba. Umwēne āfumile pakūmana na Yezebeli ni kisyo kyāke ikipakigwe ni lāngi, kāngi umwēne āli ndukolumo isaga pakukatala isya ikyēne. Kifuki abakīkūlu bōsa bikwēgeléla pa nkasi gwa mwalafyāle, lumo ukutumula inywīli kwa sifwanenge mīsi ga mutu na kilikyōsa abēne bāli nakyo mu lisiku lila. Umwēne ākēmīle ikyēne fiyo mpaka ikyēne—ikyēne kifuki kyayaga pakumwēgēla umwēne pāsi.

179 Nukutalula, Kyāla āyobile ku mwēne, “Būka pāsi pala. Ugwe umēnye, ukwēne kukutima ifula kifuki masiku mabili pamo matatu pa ndungu, ukusyūngutīla kuno. Loli ugwe gwime kwa Ahabu, nukumbula umwēne, ‘ISI SYO IKUTI UNTWA. Indungwa yitisakugwa ukufuma ku mwanya mpaka une nguyibilikila iyēne.’” O, mwe!

180 Umwēne akāyobile, “Lilino, Ahabu, pamo, lumo ikyēne kibagile ukubōmbéla mu njila iyi.” O, umma. Umwēne āsōngigwe lōsa, nakimo ikisitakusisimikisigwa. “Indungwa yitisakugwa, ifula yitisakwīsa, mpaka une nguyibilikila iyēne.” Ameni. Lwimiko! O, fiki? Umwene āpilike a ngangabwite. Iyēne yāli nsisimikisigwe. Umwēne āmenye Kyāla gwāke. Umwene āmenye ikindukimo kyābagile, akabalilo kāko Kyāla āyobile i Lisyu lila, kōsa kumwanya na pāsi fyābāle ukumalika mpaka ikyene—ikyene kyābonike, ikyēne kyāfimbilisigwāga ukuboneka. Umwēne āsōngigwe lōsa.

181 Lilino, Umwēne āyobile, “Eliya, Une ngulōnda ugwe ukubūka pamwanya pala mbuyo ubūmano fiyo nkīsu, ukwākufika pamwanya pa kyāmba kūko sikayako inyībūko nasimo. Lōli une ndinayo yimo pamwanya pala iyāko.”

182 Umwēne āsōngigwe lōsa. Umwēne alinkufyūka pamwanya pa kyāmba nukwītūgāsya pāsi pa lubafu lwa kisōko Keriti. “Kāngi lilino ngimba kyo fiki iki une ngwisakubombaga pamwanya apa?”

“Une ndalīle mbalāgile abakihobe ukukuswīla ugwe.”

183 “Lilino, ngimba bulubule abakihobe bala. . . Lilino, gūlila panandi, Ntwa?” Umma, umma. Ingangabwite yākubile. Iyo

yo yifwēne. “Ngimba icyēne kikubonekága bulebule? Une ngamanya. Une ndikupāsya. Muketile? Ikyēne kikaya kwa une ukupāsya isya ikyo. Iyo yo mbombo ya Kyāla. Umwēne āyobile Umwēne alāgile abakihobe.”

¹⁸⁴ “Mulimōsa, Ntwa, ngimba ugwe ubagile ukukilīngānia icyēne kwa une, nukumbūla une itolo kūko bala. . .yo sukulu nki abakihobe bala bābūkileko kula, ukumanyila ukuyoba i Kihiburi? Lo luki lwa. . .Ngimba abēne bikupīya pa bupīyilo bwa mbelo, pamo ngimba abēne bali ni mbābu, pamo ngimba abēne bikubōmba bulebule? Kangi ngimba ko kūgu abēne bisa. . .Ngimba lo luko luki lwa kinyamana abēne bisakugoga? Abēne bo itolo njuni innīni. Ngimba abēne bikugogaga bulebule inyama ya une, ukundwālila une unkati gwānyāma?” Muketile? Muketile? Lila likāli lyo lilālúsyo mma.

¹⁸⁵ Kyāla, i—i ngangabwīte ya Kyāla, a Masyu Gāke gakubile pānja nukuyoba, “Une ndinafyo!” (Komma, “Eliya, Une lumo mbagile ukubōmba icyēne.”) “Une mbōmbile icyēne.” (“Une nisakubōmba icyēne.”) “Une ndalile mbōmbile icyēne.” Amenī.

¹⁸⁶ Uyo yo Kyala, ikilo iki. Komma, “Umwene ikubombaga icyene.” Umwene abombile icyene. Amenī. Umwene abombile icyene. Amenī. Komma, “Umwēne isakubōmba; Umwēne lumō; pāmo Umwēne isakubōmba.” Umwēne atalile abōmbile icyēne. “Une mbalagile abakihobe.”

¹⁸⁷ Umwēne ālītikisye u Mbepo Gwāke ku bāndu bōsa. Umwēne ālītikisye isayo Syāke. Umwēne āfyūkile pa Mwānya, nukupa ifikūngilwa ku bāndu. Umundu yumo isakukipilikisyaága icyēne. Umundu yumo isakukipīka icyēne. Iyēne yikaya mbōmbo yāngu mūmo icyēne kikwīsila. Ikyēne kyo itolo mūmo icyēne kikufikīla kula. Kyāla āyobile icyēne kikuyāga lūla, kangi icyēne kyāli lūla. Peteri alinkuti, pa Lisiku lya Pentekosti, “Pinduka, aligwesa gwa umwe, kangi mōsigwēge mu Ngamu ya Yeso Kristi ku bufyūle bwa mbībi syīnu, kangu umwe mwisakwāmbilila ikikūngilwa, u Mbepo Mwīkēmo.” Ngimba Ikyene kikwisaga bulebule? Une ngamanya. “U—u lufīngo luli ku bāna bīnu, ku bēne aba bali kubutali fīyo, bōpo ba bīngi mūmo u Ntwa Kyāla gwītu isakubabilikilāga.” Lilino, ugwe ukābagile ukukilīngānia kila ukukisōsyāpo. Ingangabwīte yibōmbile yikubīgwe, kangi une ngwītīka icyēne. Une nākipilikīle icyēne, kangi nkipilikīisye icyēne. Amenī. Lilino gela ukuytātīkana na une ukusōka pa kyēne kamokēne. Amenī. O, une ngaya mpelelesye. Umma.

¹⁸⁸ Ngati ikilo kila, u nkāngāle ukalumbu gwakitītu, umwēne āyobile, “Nkulumba, ngimba une mbagile ukupa ubuketi?”

“Ena, māma.”

¹⁸⁹ Umwēne alinkuti, “Une ngulōnda ukuyoba iki ikindu kimokyēne.” Umwēne alinkuti, “Une—une—une ngaya iki une ngulōnda ukuya mma.” Kangi umwēne alinkuti, “Une ngaya iki

une ngulōndīgwa ukuya. Lōli, kilipo ikindu kimokyēne iki une mmenye, une ngaya iki une nālisibile ukuya.”

¹⁹⁰ Popapo, umo, mumo uswe tukwipilikila isya ikylene lilino. Une ngaya iki une nalisibile ukuya, panongwa yakuti une mbokigwe ikilo iki, ukwisila mu lipyana lya Kyala, kangi nambilile Mbepo Mwikemo, pa butumigwe. Umwene alyoneleligwe panja pala pa Lisiku lya Pentekosti, ulufingo lipegigwe, kangi une ngwitika ulwene. Nakimo ikisitakusisimikisigwa. Une mbilike akōgo. Une nāpilikile akēne, kangi une nsisimikīsye ikyo kyo iki ikyēne kili. Nālōlilōli. Une mmenye ikyēne kili. Nālōli.

¹⁹¹ Simiyoni, ungangale unkulumba kifuki fyinja malongo lwele mbukusi, abamia ba fyinja ukufuma papo balipo nukuyapo abasololi pa kisu, loli ikusyungutila nu bufumuke ubukulumba. U Mbepo Mwikemo aayobile ku mwene ilisiku limo, alinkuti, “Simiyoni, ugwe umenye, ugwe utisakufwa mpaka ugwe kuketa ubupoki bwa Ntwa.” Lwimiko!

¹⁹² Lumo u mputi unkulumba, ikupalamasya indefu syake kanandipo, kangi alinkuyoba, “Simiyoni, ugwe ubagile ukupesa indefu syako ulubafu ulungi.”

Umwene alinkuti, “Ikyo kitikutendeka nakandu nakamo akangi.”

“Ngimba ugwe umenye bulebule ukuti ugwe kotalusya?”

“U Mbepo Mwikemo alimbulile une lulo. Une ndisakufwa mma.”

¹⁹³ “Fiki, Simiyoni, fiki, ugwe guli. . . Fiki, ugwe gwitendekisye ukufwa lululu ulu.”

¹⁹⁴ “O, une ndikupasya iki ugwe kuyoba. Loli Kyala ambulile une ukuti une ndisakuketa ubufwe mpaka une ngete ubupoki Bwake. Nakimo ikisitakusisimikisigwe. Une ndisakufwa mma. Une ngabagila ukuketa ubufwe mpaka une nunkete Umwene.” Ameni. Ikyo kyo kyene.

“Ngimba ugwe kubombaga bulebule ikylene, Simiyoni?”

“Une, iyo yikaya mbombo yangu mma.”

“Ngimba ali kugu Umwene, Simiyoni?”

“Une ngamanya.”

“Ngimba ugwe umenye bulebule ugwe kunketaga Umwene?”

¹⁹⁵ “Kyala ayobile mumo. Ikyo kyo kyene. Ilyo lyo Lisyu. Une ndisakuketa ubufwe mma mpaka une nguketa Umwene.” O, mwe!

¹⁹⁶ “O, umwinitu umpelakisa ungangale. Ena, umwene asyutilemo untu, umwe mumenye. Popapo ndeke itolo pamwene.”

197 Loli umwene alinketile Umwene, mulimosa. Ena, nkulumba. Kyala ikupela injila ku bandu bala babo bisakwega i Lisyu Lyake.

198 Yeso, akabalilo kako Umwene aali apa pa kisu, kangu Umwene aalimile pala ku lipumba lya Lazaro.

199 Pamo, bo kikali kila, akabalilo kako Umwene ali mbuyobesano na—na bandu, isyakuyoba mumo Umwene, palema nalinga kisita kuya ni fyiya malongo mahano mbukusi, kangu alinkuyoba ukuti Umwene aketile Abraham. Umwe ketesya mumo Umwene ayilile nsimikisi? Umwene ayobile, “Bo Abrahamu akaali, UNE YONE. UNE YONE.” Komma, “Une naali,” pamo, “Une nguyaga,” loli, “UNE YONE. Une nsisimikisye.”

200 Polelo, Umwene alinkuyoba, ku lipumba lya Lazaro, bo Umwene akali ukubuka ukusuluka kula, Umwene alinkuyoba, alinkumbula Marita, Umwene alinkuti, “Une ne busyuko, u Bumi.” Komma, “Une mbagile ukuya,” pamo “Une nguyaga,” loli, “Une yone.” Amen.

201 “Nkundwe gwangu, linga Ugwe gwaliipo apa, angali akafwa mma. Loli pope lilino, Gwentwa, kilikyosa iki Ugwe kunsuma Kyala, Kyala isakukupaga ikylene kwa Ugwe.”

Umwene alinkuti, “U kundwe gwaiko isakusyuka kangu.”

202 “O, umwene isakusyuka mmasiku ga bumalikisyo, ku busyuke ubukulumba. Umwene ali ndumiana nnu. Ena, une ngwika umwene isakusyuka.”

203 Loli Yeso alinkwigolola Mwene panandi, mwene, mmwanya, nukuti, “Loli une ne busyuko nu Bumi.” Komma, “Une nisakuya; Une mbagile ukuya,” pamo fyosa bo ifyo. “UNE YONE.” Kikayapo nakimo pala, kikayapo nakimo ikyakupeluka, ukusenyenda ukufwana na kila. Nakimo ikisitakisisimikisigwe. Ikyene kyali kisisimikisye.

204 “Une ne busyuko nu Bumi. Umwene uyu ikwitika mwa Une, palema nalinga umwene afwile, pope isakuyaga mumi umwene. Aligwesa uyu ikuyamumi nu kwitika mwa Une atisakufwamo siku.” Komma—komma, “Abene lumu batisa. Abene lumu batisa umma.” “Abene batisa. Nakimo—nakimo ikisitakisisimikisigwe isya ikylene. Abene batisakufwa mma.”

205 “Umwene uyu ikupilika a Masyu Gangu kangu nukwika pa Umwene yyo alindumile Une ali nu Bumi ubusitakumalika, kangu atisakwisamo mma mu Bulongi, loli akilenie ukufuma ku bufwe ukubuka ku Bumi.”

206 “Abene batikufimbilisigwa ukwisa ku Bulongi?” Abene batisa kwisa ku Bulongi. Amen. Umwene alyegile u Bulongi bwangu. Ngaya ni mbombo nayimo pala. Amen. Mwaketa lelo umwe. “Akilenie ukufuma ku bufwe ukubuka ku Bumi.” O!

²⁰⁷ Lilino umwene aayobile umwene aalitike ikyene. Lilino, Yeso akāyobilēmo siku, “Mulimosa, ugwe umenye, ukuti ugwe gwe kwitika ikyo, kangi ugwe umenye ukuti une ne Lisyu, kangi—kangi Une—Une... Umwe mumenye ukuti Une ne Umwēne uyu ābagile ukwīsa. Ugwe ulātīle ikyo. Une ngwitika ikyēne. Une nisakukubūlāga ugwe iki uswe tubagile ukubōmba. Unko uswe tubēge abakulumba palikimo, nukusuluka pāsi nukukēta linga uswe tubagile ukubōmba kalikōsa ka ikyēne.” Umma, umma. Umwēne alinkuti, “Une nisa...” Komma, “nsuluke pāsi nu *kukēta* linga une mbagile ukunsyusya umwēne.” “Une ngubūka ngasumusye umwēne.” Ameni. Komma, “Une ngwisa—Une ngwisa kugela.” “Une ngwisa.” Nakimo ikisitakisisikikisigwe. Kala kakāli kōgo akasitakusisimikisigwe, akabalilo kāko Umwēne āyobile, “Une ngwisa. Une ngwisa.”

²⁰⁸ Kangi Yumoywene yulayula alinkuti, “Une ngwisa,” ātēndike ulufingo. Aleluya! O, mwe! Ameni.

“Une ngubukaga nukusumusya umwēne.”

²⁰⁹ Kangi Umwene alinkuti, “Bongotola i tempeli iyi, kangi Une nguketaga iki Une mbagile ukubomba pa kyene”? “Umwe bongotola i tempeli iyi, kangi Une nisakusumusya iyēne mmwanya kāngi mmasiku matatu.” Nakimo ikisitakusisimikisigwa. “Lilino Une nisakugela. Umwe mwēsa mubagile ukwīma ukusyūngutīla nukukēta linga Une mbagile ukubōmba ikyēne pamo mma”? Aa, umma. “Une nisakusumusya iyēne mmwānya.” Nakimo ikisitakusisimikisigwa. “Une nisakusumusya iyēne mmwanya. Umwe—umwe bongotola iyēne; Une nisakuyisumusya iyēne mmwanya.” O, mwe!

²¹⁰ Fiki? Umwene āmenye ukuti Umwene āli Mundu yula, mu Lisimbo, ili Davidi āyobile. “Une ndisakuleka u moyo Gwake mu gehena, somma Une ukwitikisya u Mwikemo Gwangu Yula ukuketa ububole.” Kangi Umwēne āmenye Umwēne ālyōngeligwēmo mu lufīngo Lwamasimbo lula, popāpo polelo Umwēne āli nsisimikisye.

²¹¹ Lilino, ngimba tukabagila ukuya basisimikisye bo lula? Uswe tukummwēga umwēne, ukwēgelēla, kuli ifīndu ifīngi. Akabalilo kōsa i Lisyu lya Kyāla lyāyobile ikyēne, ngimba uswe tukabagila ukuya basisimikisye ukufwana ni Lisyu bo mūmo Umwēne ābōmbile ikyēne?

²¹² “Une ne busyuko nu Bumi.” “Une ngwisakusumusyaga iyene mmwanya kangi.” Ameni. Fiki? Umwēne āmenye i Lisyu lyāyobile isya ikyēne, kangi Umwēne āli nsisimikisyi ukwīsa pala.

²¹³ Linga une ne mundu kula mula mwa Yohani 5:24, “Umwene uyu ikupilika i Lisyu Lyangu kangi nukummwitika Umwēne uyu ālīndumile Une, ali nu Būmi ubusitakumalika, kangi

Une nisakusyūsyā umwēne mmwanya kāngi ku masiku gabumalikisyo. Umwene atisakwisamo mu Bulongi; akilēnie ukufuma pa bufwe ukubūka ku Bumi.” Ikyo kyo—ikyō kyo uswe. Kangi ngimba kyo fiki uswe tukutīla? Ngimba kitamisye kyo fiki?

²¹⁴ Ngimba bo bukīndāne buki ikyēne kikupela kyo kyakufwāla kiliku ugwe kufwāla? Ugwe kwībilikila gwīmwenē *iki*, *kila*, pamo *ikingi*. Uswe twe bana ba Kyāla, ukwisila mu lipyāna lya Kyāla. Uswe tusōndīgwe na Mbepo Mwīkēmo, ukwisila mu lipyana lya Kyāla. Ko kukindananki uko ikyene kikupela ukuti kali yomoywene *uyu yo kila* pamo *kila*, linga umwene yo Presbeteri, Methodisti, Baptisti, Baptisti? Linga umwēne ikwisusigwa nu Mbepo Mwīkemo, umwēne ali nabo u Būmi babusyūkilo mwa umwēne. Amenī. Ena. Lilino, pa lisiku lya Pentekosti . . .

²¹⁵ Yeso ababulile abene, mwa Luka 24:49, “Keta, Une ngutuma u lufingo.” Komma, “Une mbagile ukubomba ikyene. Une ngukētāga ifi une mbagile ukubomba pa kyene.” “Une ngutumāga u lufingo lwa Tata Gwangu pa umwe. Lōli buka pamwanya pala ku kāya ka Yerusalemu kangi gūlila mpaka umwēne mufwīkigwe na maka.”

²¹⁶ Lilino, bule linga abēne bāgūlilāga mula, nukuyoba, o, amasiku mahano na limo, abēne bikuyoba, “Ngimba uswe tukugūlila fiki? Une ngwitika uswe tubagile ukwinogona ikyene nu lwitiko. Ngimba umwe mutikwinogona lūlo?”

²¹⁷ Bule linga Yākobo, āyobile, pa—pa lisiku lya lwele na limo, ukuti, “Simoni, isa kuno i miniti. Ugwe umenye, ilisiku ilingi une nāli nduko lwa kuya nukwīpilika ukuhēsya. Uketile? Kangi ugwe umenye iki une ngwitika? Une—une—une ngwītika Umwene itolo atikulonda uswe ukugūlila papapa apa. Une ngusūbila uswe tuli—uswe tutalile tuli nakyo ikyēne. Ngimba ugwe utikwīnogōna lūlo? Unko uswe tulikīndililāga ni mbombo yītu. Unko uswe tukīndilile nu butumigwe bwītu?” O, ikyēne āngāli kikabonekamo siku.

²¹⁸ Fiki? Abēne bamenye ukuti unsololi āyobile. Lilino pilikisya. Unsololi āyobile, “Ulukomelēsyo luyeye pa lukomelēsyo, ulukīndi luyeye pa lukīndi, pa lukīndi; apa panīni kangi pala panīni.” “Umilisya fiyo ku kila iki kyo kinunu.” “Namanga na milomo gyakitabu ni ndimi isingi Une nisakuyoba ku bāndu aba. Kangi ubu bo butusyo, i sabati.” Abēne bāmēnye ikindukimo kyāfimbilisigwāga ukuboneka pa buyo akabalilo kāko Ikyēne kikwīsa.

²¹⁹ “Une ngubukaga ukonelela pānja u Mbepo Gwangu mu lisiku lyabumalikisyo.” Yoeli 2:28, “Ukwēne kwisakubonekaga mmasiku ga bumalikisyo, ikuti Kyāla, Une nisakonelelāga u Mbepo Gwāngu pa nyofu guligōsa, kangi abana bīna abalumiana na balindwāna bisakusololāga. Pa bāmbombo

bāngu abalumiana na balīndwana Une nisakōnelelāga u Mbepo Gwāngu, mu lisiku lila. Une nisakunāngisyāga ifimanyilo mmwanya pamwanya kangī—kangī nkisu pāsī, kangī u moto, kangī i lyōsi, kangī u mūyi.”

²²⁰ Abēne bāmēnye ukuti pala pabagile ukuyapo ikyakwēndelāmo kimo ukwisa palikimo nu kwisa kwa Mbepo Mwīkēmo. Abēne bākēgāga akōgo kalikōsa akasitakusisimikisīgwa. Lōli akabalilo kāko abēne balipilike kila ikindukimo kikwēnda, nukukēta ubuketi bwa i Bāngéle bukwēnda ni kyēne, abēne bakāli basitakusisimikisya. Palapala mu ngindi abēne balinkubūka. Nhobokela une. O, mwe! Abēne basisimikīsye ukuti ikyēne kyaali Mbepo Mwīkēmo.

²²¹ Umwe mumenye mumo abene bāli basisimikisye? Mpaka, Peteri, yula unnini umwīnitu unsitakumanyila, alinkunyēléla pala pa kisīnga pamo i bokosi, pamo pabuyobumo, alinkuti, “Umwe banyāmbāla ba Yudai,” akapāmbāga akanīni kasōkīle pānja bo bo ka mukōlwe ka matīngo. Umwēne alinkuti, “Umwe banyāmbāla ba Yudai, umwe mwe mukwītūgala ku Yerusalemu! Une nābatīlāga umwe, pitāsipo; une ndikutīla mma, lilino. Unko iki kimanyigwēge kwa umwe, kangī pilikisya ku masyu gāngu. Aba bakaya bagāle ngati umwe mukwīnogonéla ikyēne kili. Lōli iki *kyo* Kila.” “Uswe *tukusubila* iki *kyo* Kila”? “Uswe *tukwitika* iki *kyo* Kila”? Umwēne alinkuti, “Iki *kyo* Kila iki kyāyobīgwe nu nsololi Yoeli.” Haleluya! Nakimo ikisitakusisimikisigwa ukufwana ni kyēne. “Iki *kyo* Kila iki kyāyobīgwe nu nsololi Yoeli.” O, mwe!

²²² Yeso āyobīle, mwa Mariko 16, ātumīle i Kipānga Kyāke, “Būka umwe nkīsu kyōsa, lūmbilīla i Nongwainunu.” “Ifimanyilo ifi lumo fibagile uku; ifyēne fisa, mwa apo na apo, lumo”? “Ifyēne fisakukōnga bala bābo bikwītīka. Ifika ifi fisakukongaga abene aba bikwitika. Mu Ngamu Yāngu abēne bisakusosyaga imisetano. Abēne bisakuyobaga mu ndimi imbya. Linga abēne bikupimba imiyoka pamo ukunwa ikindu ikyakufwanakyo, ikyēne kitisa kubafulasyaga abēne. Linga bikwala amaboko gabo pa babine, abēne bisakubumbulukaga.” Komma, “Lumo.” “Ifyēne fisakuyaga. Ifika ifi fisakukongaga abēne aba bikwitika.”

²²³ Unko une nongānie ikyēne mōsa, mu kuyoba iki, nkūndwe, kalumbu, ku maminiti amanīni aga gikwīsa. Une ngwītika ikyēne. Une ngwītika ukuti kilikyōsa ikingi, kalikōsa aka kakukīndana na Kila, kakaya katalusye. Une ngwītīka, kilikyōsa iki *kyo* kikulwāna na Kila kisakugwīla pāsī. Une ngwītika, une ndikupāsya kali fyo filinga ifikomyusti, pamo fyo filinga ifimanyisyo *ifi* kangī ifimanyisyo *fila*, kangī ubwakipānga kangī ni kiRoma, na fyōsa ifingi, Ubwamerika na filifyōsa ifingi fisakugwīla pāsī.

224 Lōli i Lisyu lila lisakwīma Kwasyēpwa, panongwa yakuti Ilyēne lyo Lisyu limo. Kangi bo ikyēne kikāli i Lisyu limo, ikyēne kibagile ukuya linogono limo. Kangi ilisyu lyo linogono liyobigwe. Kāngi Kyāla, mwa Syēpwa, ikyēne kyālisile mu linogono Lyāke. Umwēne āyobile aminogōno Gāke. Ikyene lilinkuya Lisyu, kangi i Lisyu likufimbilisigwa ukubonekela pabwelu.

225 Fyōbéne, akabalilo kāko Umwēne āyobile isya Mesiya, pala pafimbilisigwaga ukwisapo u Mesiya. Umwēne āyobile ukuti pisakuya ngapo i Kipānga mmasiku gabumalikisyo, kisita kasolo pamo inginya pa kyēne; pisakuyapo i Kipānga pala. Haleluya! Umwene āyobile ikylene. Une ngwegaga i Lisyu Lyāke. Une ngwitika ikyēne.

226 Une ngwitika ukuti Umwēne āfingile u Mbepo Mwikemo kwa aligwesa umwītiki uyu isakwītikāga. Une ngwitika u Peteri, pa Lisiku lya Pentekosti, akabalilo kāko umwēne ālumbilile ubulūmbilile bwapamwanya bula, kangi ābabūlile abēne bōsa ukupīndūka nukōsigwa, ukuti ifimanyilo ifi fyābagile ukwīsa, kangi *iki*. “Aligwesa yūyo ākōlile pa Ngamu ya Ntwa ayaga pakubokigwa.” Une ngwitika ubo bo Bwānalōli; ālimile pa bwēne. Une nkibwēne ikyēne kibonikile pabwelu.

227 Une mmenye ngulwīla ubwīte ku kyēne. Kangi une mmenye une ngugela ukutēndēka ilikato lya kilūndi. Bo une ngāli ukutēndēka ilikato lya kilūndi, une ngufimbilisigwa ukutumula kyābukēge ikitabanie kilikyōsa, imifya, kilikyōsa ikīngi, ukukisōsyapo ikyēne pa njila. Lōli akabalilo kōsa ugwe kutēndēka ilikato, ugwe kusegelēla nkyēni. Amen. Ega itolo ummāge kangi tumula ikyēnr.

228 Mwe bīngi ba umwe mukukūmbikīla Paul Rader, umwīnangu umpala fiyo. Une nāli itolo ndumiana ndumbilili, mwanike. Une nālisibile ukubūka ukufyūkila ku Fort Wayne, ukwakumpilika umwēne, ku Rediger Tabernacle. Umwīnitu unkulumba unywāmu! Umwēne āfikāga kubutali kunyuma, ukufyūsa isulubali yāke, ukufyūsa ikiboko kyāke nukukoloma bo kīndingo, kangi une nīnogonāga umwēne ayaga pakunyēla ukukīnda pa kigemo. Akabalilo kāko umwēne. . . Kangi umwēne āndāga nu busīmbe, ena, mu Bwāndīlo, nukumalikisya mu Busetuli, mōsa ukugomokelamo nukubūka. Paul āli nalōli nnyāmbāla yumo.

229 Tukyobā ilisiku limo, umwēne alinkuti, “Une nālisibile ukuya mpimba-fisīnga ukufyūkila kula mu Oregon,” kūko umwēne āfumilāga. Alinkuti, “Ilisiku limo, ugwe umenye,” umwēne alinkuti, “Une—une nāli itolo migūnda gya butumīgwe, kubutali kula kubuyobumo.” Une ngwibwa lilino kuko ukwēne kwali kūga. Kangi umwene ābombāga imbombo ya butumīgwe.

230 Umwene itikāga mwa Kyala, itikāga ububumbulusyo Bwakyala. Kangi Paul āyobile, papapa apa pāpo ikipānga

kyakāsu kikwīma mwīsyūgu, umwēne alinkuti, “Linga une nābagile ukūlisya indumi yāngu iya ipyāna ku Bapentekosti abapyu-nu-bukeseifu, mbuyo bwa kubōmba iki une mbōmbile apa na umwe kibugutila,” alinkuti, “nukwītēndēka nīmwēne ukupāsya, ukubilikigwa ku buyo bumo na maelifu ukubāsania na maelifu ga madola mukumeleligwa. Une mbāsīsyē nīmwēne mpaka une ndinkuya na kansa, kangī ngufwa lilino. Linga une nābagile ukūlisya indumi yāngu ya ipyāna ku baPentekosti abakesefu-bapyu, Kyāla āngāli ansayīle une mbwīngi panongwa ya ikyēne.” Kutalusya.

²³¹ Umwēne alinkuti umwēne āli pāsi pala mu—mu matēngele, kangī umwēne alinkuya ni sekema ya mīsimatītu pamo ikindukimo. Ikyēne kyāli kibībi. Kangī umwēne āli kubutali kunyuma mmatēngēle, kangī umwītiki unkaifu gwa bubūmbulusyu Bwakyāla. Kangī umwēne alinkuti umwēne ālinkuya mbinepo kangī mbinepo. Umwēne alinkwīpūta, alinkwīpūta. Kangī bamo ba batumigwe balinkuti abēne bayaga itolo ukwēga ubwāto nukwakummwēga ungānga. Fiki, ukwene kwābagile ukwegela abēne amasiku ukummwaga u ngānga. Kangī umwene alinkuti, “Une—une. . . Komma ukubomba ikyo umma. Itolo kileka ikyēne pakyene.” Alinkuti, “Linga Kyāla atikumbumbulusya une, polelo une ngwīsa ku Kāya.”

²³² Popapo umwene alinkuyoba ku nkasi gwake uyu asyele nkyumba nu mwene. Ukwene kulinkumilisyā ukuya kwangisiko kangī kwangisiko. Kangī alinkuti umwene alinkumbilikila unkasi gwake, alinkuti, “Luki, ngola une pa kiboko kyangu.” Alinkuti, “Itolo umilisyaga ukunyiputila une. Ukwene kukwisa ukuya kwangisi lilino.” Alinkuti, “Une—une ngusubila imisyungulu gikugwila ukusyungutila une.” Umwene alinkuti, “Ngola. . . Ngola itolo ikiboko kyangu kangī iputa, akabalilo kako une ngusokapo.” Umwene alinkwikasya mwene, ukwakwagana na Kyāla.

²³³ Umwene itolo mu luko alinkugwila mu njosi. Kangī umwene alinkuti umwene agogwaga ukuti umwene agomokile ukukilania kula mu Oregon kangī, ngati nnyambala unkeke, ukutumula amatapwa. Kangī alinkuti u bwana gwa bugonelo bula alinkuti, “Paul, buka pamwanya apa pa lubafu lumo ulwa kamba, kangī agwisisyē umpiki gumo, ugwabunywamu bumo.”

²³⁴ Umwene alinkuti umwene alinkubopa pamwanya pa kamba kala na malundi gake agabutubwa, kangī alinkukoma umpiki gula pasi, nukupalata ugwene mosa, nukungimisyā indwanga pasi. Umwene alinkuti mumo u paini untofu yula, iyake imbyasye, inywamu, indwanga imbyasye-kabili yabukile mwa paini yula kanunu fiyo. Kangī alinkuti umwene alinkukikola ikyene, alinkwinogona, “Mulimosa, une nukipimbaga ikyene ukusuluka pa kamba.”

235 Unnunu, unnyambala ugwamaka, alinkuti, “Une nalisibile ukumanyila akabikilo ka mafundo gangu palikimo, nukupimba mmwanya ni nyuma yangu, ikiyaba ikinywamu ukukinda ikya nnyambala.” Iminyofu gyake gyalu mu nyuma yake ni fibega, kunyuma kwa filundi fyake. Alinkuti, “Une nabagile ukupimba ikisinga ikinywamu,” ukukilambalika ikyene pa kibega kyake, nukwenda ukusokapo. Loli alinkuti, “Kila kyali itolo kisinga ikyabwila, loli,” alinkuti, “Une itolo . . .” [Nkundwe Branham ikutika ikyakuyobelapo—Nsimbi.] (Une nhobokelaga.) Alinkuti, “Une itolo napanandi ndinkutoligwa ukukiguta ikisinga kila.” (Une nhobokelaga.)

236 Umwene alinkuti, “Une itolo napanandi ndikutoligwa ukukiguta ikisinga kila.” Umwene alinkuti, “Une ndinkusukulika, kangi une ndinkusukulika kangi une ndinkugela ukukipimbila ikyene mmwanya, kangi une itolo ndinkutoligwa ukubomba ikyene.” Umwene alinkuti, “Une ndinkusosya mmafuke amaka gangu gosa ukufuma mwa une.” Umwene alinkuti, “Une itolo ndinkutoligwa ukukiguta ikisinga kila.” Kangi alinkuti, “Kubumalikisyo, une ndinkuya monywa fiyo, une itolo ndikwitugasya ukwigemesya u mpiki gula kangi ndinkwanda ukusyumula amafuke. Une nali itolo mosa nakatele losa.”

237 Kangi alinkuti, “Ukindapa akabalilo, une ndinkupilika ilisyu lya bwana gwangu.” Loli alinkuti, “Iyene lyali lisyu ilinyafu ukukinda ili une mbilikemo siku.” Kangi alinkuti, “Akabalilo kako une ndinkusanuka, ilisyu lila lilinkyoba kwa une, ‘Paul.’ Kangi une ndinkuti, ‘Ena, bwana, ngimba ikyene kyo fiki?’ Alinkuti, ‘Ngimba ugwe kukwabila ikyene panongwa ya fiki?’” Umwene alinkuti, “‘Mulimosa, ugwe gwalindagile une ukukitwala ikyene pasi ku bugonelo bula, kangi une itolo nikatesye nimwene losa, ni kyene. Une itolo—une itolo ngabagila ukubomba ikyene, bwana.’ Umwene alinkuti, ‘Paul, ngimba ugwe utikukibona ikisoko kila ikya misi gikwenda palapala *pala?*’ Alinkuti, ‘Ena.’ Alinkuti, ‘Akasoko kala kakwisa itolo pasi pa bugonelo bula. Nongwa ya fiki ugwe utikusopa itolo ikyene mmisi, nyela pa kyene nukwitoga ukukindilila pasi ku bugonelo?’ Alinkuti, ‘Une ngalinogwinemo siku isya ikyo.’”

238 Popapo umwene alinkukibungulusya ikyene kula mmisi, alinkuyela pamwanya pa kyene, alinkuti, “O, mwe!” Umwene alinkwanda ukunyafila amisi, nukunyela, nukuywega, pamwanya pa lisyu lyake, bo umwene ukukilania injefwela sila, kangi pasi ukukinda amisi gala, kilikyosa, itogile pa kisinga iki, ukubuka pasi, ikulata, “Une nitogile pa kyene! Nitogile pa kyene!”

239 Umwene alinkuti, ikindu kyakwanda, umwene alinkwisa ku mwene, umwene ali itolo panja pakatikati pa kipalo, nunkasi gwake ikuywega nu mwene. Umwene akolelaga, “Une nitogile

pa kyēne! Une nitogile pa kyēne! Une nitogile pa kyēne!”
Bakundwe!

Ifisu fikubongotoka, Israeli ikusumuka,
Ifika ifi i Bāngéli lyāyobile-ngāni;
Amasiku ga Bapānja manini, ni mbūsānio
gikutolwa;
“Gomokela, O mwebabalanile, ku kyīnu
mwībēne.”

²⁴⁰ I Ndumi iyi iya Lisyu lya Kyāla yo Bwānalóli. Ndi mūmi pamo ngufwa, une nītogile pa Yēne. Une ndiku... Une ndikutatikana ni Yēne. Une ndikugela ukutātikāna isya Iyēne. Une ne itolo nēgile Iyēne, kangi une nītogile pa Yēne. Unko abalōndesya-busobi bafyūke. Une nisakutusulila indusu yiliyōsa. Une ngwisa ku bugonelo, limolyēne mwa masiku aga, nītogile pa Lisyu lya Kyāla. Ameni. Une ndinsisimikisyi ukufika kula.

Unko uswe twipute.

²⁴¹ Nongwa ya fiki ugwe kusukulikāga nu nsigo gwāko ugwa butulwanongwa? Nongwa ya fiku ugwe kuyaga nkayilo ugwe ulimo, utikumanya pāpo ugwe gwīmīle, kubopa ukufuma ku kipānga ukubūka ku kipānga, kangi ukufuma ku buyo ukubūka ku buyo? Nongwa ya fiki ugwe utikukisopa ikyēne nkati, pa kipīngika, ikilo iki, nukwītōga pa Lisyu? Nongwa ya fiki ugwe utikwēga itolo u lufingo lwa Kyāla ikilo iki nukwītōga pala ukufuma ku finyanyasi, pala panja ukubūka mu bluu unywāme, kubwīgufu ngati lūla? Komma ukulwāna ni Kyēne. Komma ukupāsyā ni Kyēne. Itolo itika Ikyēne, itikisya Ikyēne. Ikyēne kyo Kitāngalāla iki kikbagila ukusema. Itōga pa Kyēne.

²⁴² Linga ugwe uli mbine ikilo iki, ega u lufingo lwa Kyāla, “Une ne Ntwa ne ngubumbulusya imbungo syako syosa.”

²⁴³ “Ngimba une nguyaga kanunu bulebule, Nkundwe Branham? Ungānga ikuti une ndi nu lutamio lwa ndūmbūla, une ndi na kansa, une ndi na *iki, kila*,” kilikyosa iki ikyēne kili, “Une ne gwamapuli, gwakinunu. Une ne mfwamaso,” kilikyosa. Ngimba bo bukindane buki kila kikapela? Itolo itikisya u lufingo lwa Kyāla kangi itoga pa kyēne.

²⁴⁴ Unko uswe twēge ingili ingulumba inywāmu, nukuyēndesya iyēne pāsi apa, nukusimba pamwanya pa yēne, “U lwīpūto lwa lwītiko lwiputīgwe ikilo iki; une nguyaga pakwītōga pa kyēne. I Bāngeli lyāyobile, ‘U lwīpūto lwa lwītiko lwisakupoka ababine, kangi Kyāla isakunfyūsya umwēne mmwanya. Linga umwēne abōmbile ubutulwanongwa, ubwēne bwisakuswēgwa ku mwēne.’ Une nītogile pa kyēne. Une ngwītika ikyēne.”

²⁴⁵ Linga ugwe ubōmbile ubusobi, linga ugwe uli mbubēto ikilo iki, “Umwēne yūyo ikufisa ubutulwanongwa bwāke atisakusakukaba. Lōli umwēne yūyo isakulāta ubutulwanongwa bwāke isakuyaga ni kisa.” Nongwa ya fiki utikulāta ubwēne?

“Ena, ngimba une mbombe kiliku, Nkundwe Branham?”

²⁴⁶ Lāta ikyēne, pangi polelo itoga pa kyēne. Kyāla āyobile lūlo. Ikyēne kisakukwēgela kulakula ukusōkako ku butulwanongwa.

²⁴⁷ Ngimba u mundu yula ali apa ikilo iki, uyu akabikāmo siku u lusūbilo lwābo mwa Kyāla ku bupoki bwa moyo gwābo, kangi ugwe kulōnda ukukumbukiligwa mu lwīpūto bo uswe tukwīgāla? Ngimba ubagile itolo ukufyusya ikiboko kyako, yoba, “Nyīputilaga une, Nkundwe Branham. Une ngulonda ukutāga ifyakupāsya fyāngu.” Kyāla akusaye ugwe. Kyāla akusaye ugwe. “Une ngulonda ukutāga...” Kyāla akusaye ugwe, māma. “Une ngulonda ukutāga ifyākupāsya fyāngu.” Kyāla akusaye ugwe, nkundwe. Kyāla akusaye ugwe kunyuma kula, nkulumba. Kyāla akusaye ugwe, nkikulu nkeke. Fyosa filikanunu. Uko ko kotalusya. Kyāla akusaya ugwe. “Une ngulōnda ukutāga ifyākupāsya fyāngu pa Mwēne nukwītōga itolo pa lufīngo Lwāke lilino. Une ngwītika ukuti Umwēne āfingile, ‘Umwene uyu isakwīsāga kwa Une, Une mu njila nayimo ndisakuntagamo umwene pānja.’”

²⁴⁸ “Komma mūmo une ngwīpilikila, ‘Une nāliputiligwe ikilo iki kyākindāga, Nkundwe Branham; une ndikwīpilika kanunupo mma.’” Kila kikaya nakyō ni kindu na kimokyēne ikyakubōmba ni kyēne. Une ndikwītōga pa bwīpilike bwāngu mma. Une ngwītōga pa Lisyu Lyāke. Ulwēne lo lufingo Lwāke.

²⁴⁹ “Nkundwe Branham, une mbukileko ku kigemo, kana pamo kahano, ukugela ukwāmbilila u Mbepo Mwikemo. Une ngayamo nayo siku Umwēne.”

²⁵⁰ Ikyo kitikusanusya ni kindu nakimokyēne. Itolo syala palapala pa kisīnga, ikyēne kikutwālāga kulakula ukutalula pāsi ku bugonelo, mu bugonelo bwa Kipānda, mu bugonelo bwa bikémo. Ugwe kufikāga kula. Itolo syāla pamwanya pa kisīnga, kangi lāta kangi ywēga indufyo sya Kyāla itolo nubukafu na mūmo ugwe ubagilile. Iyo yo njila ya kubōmbēla ikyēne.

²⁵¹ Akabalilo kāko uswe twīnamīsye imitu gyītu, ngimba ugwe nalōli kulōnda ukwītōga pa kyēne? Polelo, akāndu akanini kala aka kakunyegešya ku ndumbula, ngimba ugwe ubagile ukulōnda ukwīsa kuno nukwīmba pankyēne pa kigemo i miniti nukwitikisya uswe tukwīpūtile nukubika amaboko pa ugwe? Uswe tukuyaga basangalufu ukuti ugwe kwīsāga.

²⁵² Unko uswe twēge kala akanini akandukamo aka kabīkīgwe ukusyungutila indūmbula yako ikilo iki, kangi yoba “Ugwe umenye, ugwe gwe nsobi. Lilino fyusya ikiboko kyako.” Umma ndaga.

²⁵³ Ugwe gwanyēlile pa kisīnga, i kisīnga kya lufīngo Lwāke; u mpiki, i kipīngika iki kyātumulīgwe pāsi. Bika ingongi syīnu ukusyungutila ikipīngika iki lilino. Enda kulakula pamwanya apa nukuti, “Lilino une nguyapakwītōga pa kyēne. Lululu lilino une nguyaga pakwītika ikyēne. Une nguyaga pakwītikisya

ikyēne. Une ngwītika ikyēne. Une ndisakwāndulāmo siku. Une nguyaga pakusyāla papapa ni Lisyu lila, mpaka kimo kila kisisimikisĭgwe. Kangi polelo ukufuma pa kimo kila kisisimikisĭgwe, une nguyaga pakufikilia kulakula ukukilania nukufika ku kīngi kimo, nukwānda ukwītōga palapala nkyēne.” Muketile?

²⁵⁴ Kangi lisyu pa lisyu, likato pa likato, ugwe kwisakupoka kilikyōsa iki Kyāla āfingile kwa ugwe. “Kabuno ifindu fyōsa fibagile,” ku mwēne yūyo isakwītōga pa kyēne. Itōga pa lufingo Lwāke, namanga ikyēne kyo kisisimikisya ukukutwāla ugwe ku bugonelo. Ikyēne kisakukutwāla ugwe ku Buyepo bwa Kyāla.

²⁵⁵ Ngimba ugwe kwīsāga lilino akabalilo kako uswe twinamisye imitu gyitu pasi? Nukusuma aligwēsa uyu abagile ukulōnda ukwīma ku kigemoz, itolo pa kabalilo ka lwīputo.

²⁵⁶ “Une nītogile pa kyēne, Ntwa. Ntwa, une ngwītika. Isyakwīlāmwa syāngu syōsa sisyīlĭgwe mu nyībūko. Ntwa, une ngwisaga. Une ngwitika ikyēne. Une nguyayēlēla papapa pa Lisyu ikilo iki, kangi une nguyaga pakwītika ikyēne ikyene ni ndumbula yangu yosa. Une ngumwega Ilisyu Lyako.”

²⁵⁷ Unkīkūlu gwītu umpala ikwīma apa ku kigemo, uku—uku sisimikisya kwa Kyāla ukuti umwēne amenye ifi akubōmba. Ngimba ugwe utikwīsāga, bābo bāli ni mitu gwīnu ginamisĭgwe, kangi amaboko gīnu gafyūsĭgwe, kangi mukulōnda ukukumbukilĭgwa mu lwīpūto? Ngimba umwe mubagile itolo ukwisa kuno? Kyala akusaye ugwe. Isaga itolo pamwanya. Apo po loli. Isaga itolo pamwanya kangi ima apa. Yōba, “Une nguyaga pakwītōga pa ikyēne. Kyāla, Ugwe gwāfingile ulufingo, ikindukimo kyākung’usīsye ku ndūmbula yāngu, kangi une ngwīsa lululu ulu ukwītōga pa kila. Kangi une nguyaga pakusyāla palapala pa kyēne mpaka ikyēne kikūndwala une kulakula ku bugonelo. Une ngwīsa kulakula ukusuluka ku bugonelo bwa bīkēmo ba Gwapamwanya Unkīnde.” Kyāla akusaye ugwe. Ikyo kyo kinunu. Isaga itolo nkyēne lilino, ugwe gwe kulōnda ukwītōga pa kyene. Itolo mūmo ugwe uyīlile, “Itolo mūmu une njīlile, kisita kyakulāmba kimokyēne.”

²⁵⁸ Kumbukilāga. Ugwe kuyoba, “Ngimba gula go mpiki?” Ena. Gwālipo umpiki gwatumulĭgwe, akabalilo kamo, kangi gwābīkĭgwe kāngi pa Kalvari. Itolo nyēlēla pa mpiki gula ikilo iki, ni fingo sya Kyāla, u Lisyu uyu ātulikĭgwe pa mpiki gula.

²⁵⁹ Une nītōgile pa kyēne. Une nguyaga pakwītika ikyēne, ni ndūmbula yāngu yōsa. Une ngulōnda ukubōmba bu bwīngi bo ukwīsa kuno nukuponia amaboko ga bakundwe bāngu.

²⁶⁰ Kyala abasaye umwe, panongwa ya bwimilo bwinu bwabukifu. Une ngulōnda umwe ukwīma apa, itolo pa kabalilo, bo uswe tukusuma. Kyala akusaye ugwe, nkundwe gwangu. Kalumbu gwāngu umpala, Kyala akusaye ugwe. U Ntwa Yeso...?....Kyala akusaye ugwe, nkundwe gwangu. Kyala

akusaye ugwe, kalumbu. “Ndongoléla une.” Akulōngoléle ugwe ukukilania ikisoko.

²⁶¹ Kumbukilaga, ukuya gwambombo gwa Kristi, une nngumeleligwa panongwa ya kulumbilila i Lisyu. Une ndi gwakumeleligwa panongwa ya bukēti bwāngu. Kangi ngimba une mbagile ukwīma apa ikilo iki . . .

²⁶² Kangi u nnyāmbàla gwa fyīnja malongo-mahano-na-fihano, pamo ifyīnja malongo-mahano-na-fitatu mbukusi mu Epurelo, nukwīma apa nukumanya ikyo, mōpe mu mboniboni iyi iyabumalikisyo, agēne gabagile ukuya masiku gāngu manini agabumalikisyo pa kīsu. Une—une mbagile ukubaleka umwe mmasiku manini. Une ngamanya iki ikyēne kikusanusya. Itolo pilikisya i tepi kangi egapo ifūndo yīnu. Une ngamanya iki ikyēne kikusanusya. Ngimba mbagile ukwīma apa, kangi mwāsinda nītikēge ukuti iyēne yibagile ukuya ndumi yāngu iyabumalikisyo iyi une ngulumbilaga ngamo siku, ko kunokuno mu Phoenix, nukuyoba ikindukimo iki kyāli kisobi, kangi ngumanya ukuti ubumalikisyo bwāngu bulāmbaléle panja ukukilania, kangi une nisakulōngigwa ukwisila mu masyu gāngu?

²⁶³ Bakundwe bāngu, unko une njobe iki kwa umwe, kangi abakalumbu bāngu. Umwe mwīsilēmo mu ngomano syāngu. Umwe mumenye fiki, ukumanya-aminogono ni fīndu. Ngimba une njobilemo kalikōsa kwa umwe, mu Ngamu ya Ntwa, lōli iki kīsile ukuyako? Une ngulālusyāga aligwēsa pamwēne. Umma, nkulumba. Ukusyūngutula ikisu, kangi ga maelifu ga mboniboni, sikālimo pala siku. Kangi une ngubabūla umwe ubwānalòli ikilo iki, i Lilopa lya Yeso Kristi lyo līngi lyakufwāna nukuti ilyēne lukusyūla akanono kalikōsa, kangi ilyēne libagile ukuya.

Yilipo i Nyibuko yiswile ni Lopa, (Kangi umwe mwīmīle apo pa Ikyene lilino.)

Likwabigwe ukufuma mu Ndepa sya Immanueli, (Ikindu kyēne isikisisimikisye iki kisyēle pa kīsu.)

Kūko abatulanongwa bikwiyubika pasi pa mōgésyo gula,

Bikutaga gōsa amalobi gābo gabutobesigwe.

²⁶⁴ Une nguyaga ukusūma abalūmbilili aba lilino, kangi abakūndwe, linga umwe mwisakwīsa panja kuno pakati pa bāndu aba. Kali yūyo ali . . . Ngimba iyo yo njila, ugwe kubilikila abalūmbilili ukwīputa na bāndu? Abalūmbilili nkati muno, aba bikulōnda, bikyēlile ukugibona imyoyo gikupokigwa, isaga kuno nukwīma ukuya kibugutula kya lwīpūto, kūko uswe tubagile ukwipinya twībēne palikimo, ukusōkāko ukufuma ku kilikyōsa ikīngi, nukwīpāgūla twībēne. Aba bo banyāmbala na bakīkūlu aba bikufūnga ubumalikisyo bwābo, ikilo iki, ni Lilopa lya Yeso Kristi, ukummwega Umwene pa Lisyu Lyake, ukwītōga

kulakula kumwanya mu Kuyapo Kwāke, pa Lisyu Lyāke, kangi nukuyoba, “Apa Une ndipo, Ntwa. Une ngaya nakyo ikyekupa lōli nīmwe, kangi ega une.” Ngimba ugwe kwīsāga ima na bēne, linga ugwe ubagile? Aligwēsa yūyo abāgile ukulōnda, isaga kangi ima. Kyāla abasaye umwe, bakundwe. Ikyo kyo namaka kinunu. Une nkiganile ukukēta abanyāmbāla aba bo bakifu, aba bikyēlile mu myoyo. Une ngusakisya, bakundwe bāngu, ikyo kyo kinunu. Sulukāga itolo ukusyūngutīla. Ikyo kyo kinunu. Ima ukusyūngutīla. Unko uswe itolo lilino. . .

²⁶⁵ Linga unkuba-piano isakwīsaga ku lwīmbo, linga umwēne isakubōmba, unko uswe twīmbe ulwīmbo, nubutofu linox, nubundu, nuluyīndīko.

²⁶⁶ Uswe tutikwīsa mma ku kindukimo ikyambutītu. Uswe tutikwīsa mma ku kindukimo iki kyo itolo i—i—i kīyēgēla-bwītīki. Loli uswe tukwisa mu Kuyapo kwa Kyāla, ugwamakagosa Yehova Kyāla, Uyu afīngīgwe ukuti, “Palipōsa apa babili pamo batatu bībūngēnie mu Ngamu Yāngu, pala Une ndi nkati myābo.” Yoba ku Mwēne mūmo umwe mwābagile ku mwīnīnu, yoba, “Ntwa, une nhobokelāga. Une ndulilwe inongwa.” kangi uswe tukuyaga pa kwimba.

Yilipo i Nyibuko iyi yiswile ni Lopa,
Likwabigwe ukufuma mu Ndepa sya
Immanueli,

Kūko abatulanongwa bikwiyubika pasi pa
Mogesyo gula,

Bikutāga ilinona lyabo lyōsa ilyabutobesīgwe.

Unhiyi uyu āfwāga yula alikyēlīle ukukēta
I Nyībūko yila ilisiku lila;

Pala une njege, palema ndingāsi bo umwēne,
Nsuke imbibi syāngu syōsa.

Ukufuma pala nu lwītīko une nalubwēna u
Lusōko lula

Fyāko ifilōnda ifyēndelēla fikutwāla,
Ulugano lwakutabula lwāli fūndo yāngu,
Kangi lwisakuyaga mpaka une ngufwa.

²⁶⁷ Yaga itolo naloli nnāndi lilino. Ugwe ukaya nakimo. Nayumo gwa uswe tuli nakimo. Kangi itolo nubwanalōli, ni ndūmbūla syīnu syōsa, itolo inamisya indūmbula syīnu ni mitu, kulikōsa, mōsa mu nyūmba.

²⁶⁸ Tāta Gwītu Gwakumwanya, une mmenye ukuti a Masyu Gāko go gabwanalōli fīyo. Agēne gakabagila ukutoligwa. Agēne go Masyu ga Kyāla. Agēne yo Kyāla. Kangi Ugwe gwāyobile, “Umwene uyu ikwisa kwa Une, Une mu njila nayimo ndisakuntagamo panja.” Kangi abanyāmbāla na bakīkūlu aba, pāsi pa kwāgīgwa, bamenye ukuti abēne bakaya kanunu mma, abēne bīsile kunkyēni, ikilo iki, Ntwa, ukwīlāmbīka ukuti abēne bo basobi, bamenye ukuti abēne bagūtīgwe nu bwēndelo bumo

bwankati ubu—ubu bubabilikile abène ukwisa ku Nyībuko. Kangi apa abène bikwīma, ni mītu ni ndūmbula imīnamisigwe, ukunwa ifya Mīsi ga Būmi, nubwābūke, aga gafīngigwe na Kyāla. Bāmbililāga abène, Tāta, mu Kitāngalāla Kyāko. Abène bo Bāko.

²⁶⁹ Ugwe gwātīle, “Nayumo umūndu abagile ukwisa ku Myangu penepapo Tāta Gwāngu ikunkwaba umwēne. Kangi bōsa aba Tāta ambēle Une bisakwisaga kwa Une.” Kangi ikyēne kikunāngīsya ukuti Kyala apēle aba kwa Kristi, ukuya ikyabupi kya lugano. Kangi apa abene bikwimililaga, Ntwa. “Nayumo umundu abagile ukunyāka abène ukufuma ku Kiboko Kyangu.” Kangi une ngusuma, Kyāla, ukuti Ugwe kubaponesyāga abène ikilo iki, bo abène bikwīma apa, nukubapa abène u lōsyo lwa Mbepo Mwīkēmo akabalilo kakaka abène bali apa ku kigemo.

²⁷⁰ Amaka amakulumba aga Kristi galisulāga fiyo mbumi bwābo lilino! Abène batēndīke ukwilāta kwābo. Abène bīsile kunkyēni. Ugwe gwātīle, “Umwēne yūyo isakulāta Une pankyēni pa bāndu, umwēne nisa Une ukundāta pamaso pa Tata Gwangu na Bāndūmi abīkemo.” Uswe tumenye imbombo yila ukuya yibōmbigwe.

²⁷¹ Lilino, Ntwa, fūngāga abène mu Kitāngalāla kya lufingo, kya Mbepo Mwikemo. Tupaga ikyene, Ntwa. Onelelāga pānja u Mbepo Gwako pa bēne, kangi bīsusyāga abène nu Mbepo gwa Kyala gwabumi, ukuti abène babagile ukuya mabukēti amūmi amasiku gōsa ga būmi bwābo, ku Kitāngalāla kya Kyāla.

²⁷² Lilino unko ikilundilo kīme. Aligwesa mu lwiputo lilino. Uswe tukusuma ukuti aba . . .

²⁷³ Lilino, aligwēsa gwa umwe mwe mwisile kuno ikilo iki, mukwīpilika ukuti umwe mwāli nu butulwanongwa pa ndumbula yīnu, lilino kikayapo nakimo iki ugwe ubagile ukubomba loli itika ikyo. U Mwīkēmo . . . Ugwe itikisya *Iki* nu lwītīko. Ulu lo lwītīko, ukuti ugwe kwītīkisya. Yeso āyobile, “Nayumo umundu abagile ukwisa ku Myangu penepapo Tata Gwangu ikunkwaba umwene. Kangi bosa aba bikwisaga kwa Une,” Umwene isakwāmbililāga ikyēne. Umwēne akabagila ukubomba akandu nakamo akangi, panongwa yakuti Umwene āfingile ikyēne. Muketile? Komma ukwēgamila pa bwipilike lilino. Igamilāga pa Lisyu Lyāke. Muketile? I Lisyu lyāyobile lulo.

²⁷⁴ “Umwēne uyu ikupilika a Masyu Gangu kangi nukumwitika Umwēne yūyo ālindumīle Une, ali,” itensi ya mwīsyūgu, “u Bumi ubusitakumalika, kangi atisakwisamo mma mu Bulongi, loli akilenie ukufuma ku bufwe ukubuka ku Bumi.” U Mbepo Mwīkēmo yo bwīsibile ubwa kwīsūsīgwa nu kufwīkīgwa na maka ga kububōmbelo. Lōli ukwilāta nu kwāmbilila Kristi ko kuya nu lwītīko nukubōmba ifyakwilāta, kangi nukwipilika ukuti Kyala akuhobokile ugwe isya mbībi syāko.

275 Kangi pa lwālo lwa Lisyu Lyāke, Umwene alinkuyoba, “Nayumo umūndu abagile ukwīsa pene papo Tāta Gwāngu ikunkwaba umwēne.” Muketile? Lilino, Kyāla akukwābile ugwe, ikyakwanda. “Kangi umwēne uyu ikwisaga kwa Une, Une mu njila nayimo ndisakuntagamo umwēne.” Muketile? Muketile? Ugwe—ugwe gwambilile ikylene. Ikindu kyene, ugwe kufimbilisigwa. . .

276 Umwēne—Umwēne āfwīlile ugwe. Imbībi syīnu syahobokelīgwe, ifyīnja elifu-na-bamia-lwele-na-yumo ifi fikīndilepo. Ugwe itolo isaga lilino ukwitikīsyā iki Umwēne ābōmbile ugwe. Muketile? Kangi ngimba ugwe kwītika ukuti Umwēne āfwīlile imbībi syāko? Ngimba ugwe kwitikisyāga Umwēne ukuya kyakuhōmba kyāko? Mmasyu agāngi, ugwe kwitikisyā Umwēne, bo Umwēne ālyēgile imbībi syāko.

277 Ngimba ugwe kuyaga nsangalufu kangi kumpālisiyāga Umwēne panongwa ya kwēga imbībi syāko? Ugwe kwītika Umwene ābombile ikylene? Polelo fyusya ikiboko kyako itolo, yoba, “Une ngwitika ukuti Umwene ikwega ubutulwanongwa bwāngu,” ameni, “ikwēga ubutulwanonga bwangu.” Syosa silikanunu.

278 Lilino, ugwe lilino gwe mfwāne ku lōsyo lwa Mbepo Mwīkēmo.

279 Linga ugwe ukāmbilila u lōsyo lwa Kikristi, yumo mwa banyāmbāla aba apa bisakukēta ku ikyo, ukuti ugwe uyege nu lōsyo lwa Kikristi.

280 Loli lilino, “Bo akāli Peteri ikuyoba a masyu aga,” bo abene bakāli ukōsigwa, “bo akāli Peteri ikuyoba amasyu aga, u Mbepo Mwīkēmo alinkugwa pa bēne.” Nongwa ya fiki? Abēne bōsa bāli pāsi pa lusūbilo. Lilino umwe muli pāsi pa lusūbilo. Umwe mukulōnda ikindikimo iki kisa—iki kisa kufūnga umwe mu Kitāngalala kya Kyāla, i Kindukimo iki kisakuyaga kyānalōli kwa umwe. Umwe mukulōnda uku ukwa-. . . Ngimba umwe mukulōnda ukwāmbilila u Mbepo Mwīkēmo, aligwēsa gwa umwe? Ngimba umwe mutikundonda Umwēne? Naloliloli, umwe mukubomba. Ago go maka gako agakukyūngila. Muketile?


Abēne bābūngēne nkyūmba kyapamwanya,
Ikwiputa mu Ngamu Yake, i . . .
Balyosigwe nu Mbepo Mwīkēmo,
Kangi amaka ga bubōmbélo galinkwīsa.

281 Muketile? O, ikyo kyo iki umwe mukulonda lilino. Kangi umwe mubagile ukuya nakyo ikylene, lululu lilino. Ikyene kyo kya umwe, lululu lilino.

282 Lilino, bakundwe, endaga isaga. Unko uswe, aligwēsa lilino, kangi twāle amaboko gītu pa bakundwe aba, nukwīpūta ukuti abēne bāmbilile u Mbepo Mwīkēmo. Isaga itolo kuno, bakundwe. Isaga itolo kuno.

²⁸³ Lilino, ikilundilo kyosa, fyusya amaboko ginu lilino, aligwesa!...?...?

²⁸⁴ Tata gwitu Gwakumwanya, mu Ngamu ya Ntwa Yeso Kristi, isusyaga i ndumbula yiliyosa apa nu lōsyo lwa Mbepo Mwikémo.

²⁸⁵ Ambililaga Mbepo Mwikemo. Ambililaga Mbepo Mwikemo, abāndu aba apa bābo bīmīle nukugūlila u Kuyapo na maka ga Kyāla ukwisula myūmi gyābo. 

INGANGABWĪTE YĪKUPA AKŌGO AKASITA KUSISIMIKISĪGWA KYA63-0114
(A Trumpet Gives An Uncertain Sound)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kilembelo namayolo, Januware 14, 1963, ku Christian Assembly mu Phoenix, Arizona, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org